

# সয়তানি বুদ্ধী ।

( ডিটেকটিভ-গল্প )



শ্রীপ্রিয়নাথ মুখোপাধ্যায় প্রণীত



৯ নং সেন্টজেমস স্কয়ার হইতে


শ্রীউপেন্দ্রভূষণ চৌধুরী কর্তৃক প্রকাশিত



*Printed by K. B. Pattanaika,  
At the Utkal Press, 8, St. James Square, Calcutta*



# সয়তানি বুদ্ধি ।



## প্রথম পরিচ্ছেদ

মাঘ মাসের একদিবস দিবা দশটার সময় খান মহম্মদ নামক এক ব্যক্তি খানায় গিয়া উপস্থিত হইল । সেই সময় খানার তারপ্রাপ্ত কর্মচারী তাঁহার আফিসে বসিয়া নিয়মিত কার্য সকল সম্পন্ন করিতেছিলেন । খানমহম্মদ তাঁহার সম্মুখে গমন করিয়া ঘোড় হস্তে দণ্ডায় মান হইল ।

তাহাকে দেখিয়া কর্মচারী কহিলেন তুমি কে, কোথা হইতে আসিয়াছ ও তোমার প্রয়োজনই বা কি ?

খান । হুজুর, আমার নাম খানমহম্মদ, উজ্জীরপুরে আমার বাসস্থান । আমি বিশেষ রূপ বিপদ গ্রস্ত হইয়া আপনার নিকট আগমন করিয়াছি ।

কর্ম । তুমি কি বিপদগ্রস্ত হইয়াছ ।

খান । আমাদিগের গ্রামের জমিদার পাওনা খাজনার নিমিত্ত আমার পিতাকে ধরিয়া লইয়া গিয়াছিলেন, সেই পর্য্যন্ত আর তাঁহাকে পাইতেছি না । তাঁহার অনেক অনুসন্ধান করিয়াছি কিন্তু কোন রূপেই তাঁহার সন্ধান করিয়া উঠিতে পারিতেছি না ।

কর্ম । তোমার পিতার নাম কি ?

খান । তাঁহার নাম পীরমহম্মদ ।

কর্ম । তাহার বয়ঃক্রম কত ?

খান । প্রায় ৭০।৭৫ বৎসর হইবে ।

কর্ম । তোমাদের জমিদার কে ?

খান । আবুল ফজল খাঁ ।

কর্ম । প্রজামাত্রকেই জমিদার খাজনার নিমিত্ত ডাকিয়া লইয়া গিয়া থাকেন, হয় খাজনা দিয়া, না হয় কড়ার করিয়া, তাহারা জমিদার বাড়ী হইতে চলিয়া আসে কিন্তু তোমার পিতা ফিরিয়া আসিল না কেন ?

খান । কেন যে তিনি ফিরিয়া আসিলেন না, তাহাই আমরা বুঝিয়া উঠিতে পারিতেছি না ।

কর্ম । তোমার পিতাকে জমিদার আজ কয়দিবস হইল লইয়া গিয়াছিলেন ?

খান । আজ চারি দিবস হইল ।

কর্ম । কোন সময় ও কোথা হইতে তাহাকে লইয়া যান ?

খান । সন্ধ্যার অল্পমাত্র পূর্বে আমাদিগের বাড়ী হইতে জমিদারের কয়েকজন লোক আসিয়া তাঁহাকে ডাকিয়া লইয়া যায় । সেই

## সয়তানি বুদ্ধি ।

পর্যন্ত আমি আমার পিতাকে আর দেখিতে পাই নাই ।

কর্ম্ম । তাহা হইলে চারি দিবস পর্য্যন্ত তোমার পিতা বাড়ীতে ফিরিয়া আইসে নাই । এই চারি দিবস তুমি তাহার অনুসন্ধান করিয়াছ ?

খান । অনুসন্ধান করিয়াছি কিন্তু কোন স্থানে তাঁহাকে পাই নাই ।

কর্ম্ম । জমিদার বাড়ীতে তাহা অনুসন্ধান করিয়াছিলে ? তাঁহারা কি করেন ?

খান । আমি জমিদার বাড়ীতে তিন চারিবার গিয়াছি, তাঁহারা করেন আমার পিতাকে তাঁহারা ডাকিয়া আনেন নাট বা তিনি সেই স্থানে গমন ও করেন নাই ।

কর্ম্ম । তাহা হইলে তোমার পিতা কোথায় গমন করিল ?

খান । আমার বেধ হয়, হয় জমিদার সাহেব তাঁহাকে নিজেই বাড়ীর ভিতর কয়েদ করিয়া রাখিয়াছেন, না হয় তাঁহাকে হত্যা করিয়াছেন, যাহা হউক আপনার নিকট আমার এই প্রার্থনা যে আপনি অনুগ্রহ পূর্ব্বক ইহার অনুসন্ধান করিয়া যাহাতে আমি আমার বৃদ্ধ পিতাকে প্রাপ্ত হই তাহার উপায় করুন, ও জমিদার সাহেব যদি কোনরূপ অপরাধ করিয়া থাকেন তাহা হইলে তাঁহাকে তাহার উপযুক্ত শাস্তি প্রদান করুন ।

কর্ম্ম । যখন তুমি জমিদারের উপর নালিশ করিতেছ তখন আমাকে ইহার

অনুসন্ধান করিতেই হইলে, কিন্তু তোমার পিতার উপর জমিদার সাহেবের এমন কি আকোশ আছে যে, তিনি তোমার পিতাকে কয়েদ করিয়া রাখিবেন বা তাহাকে হত্যা করিবেন । পাওনা খাজনার জন্ত জমিদার কখন কি তাঁহার প্রজাকে হত্যা করিয়া থাকেন ? সে যাহা হউক তুমি এখন গমন কর, আমি এখনই তোমার গ্রামে গমন করিতেছি ।

এই বলিয়া কর্ম্মচারী ঐ সংবাদে প্রয়োজনীয় বিষয় তাঁহার ডায়রিভুক্ত করিয়া লইয়া, উপযুক্ত পরিমিত লোক জন সঙ্গে লইয়া সেই স্থানে গমন করিলেন ।

উজির পুর গাম খান হইতে তিন কোশের অধিক ছিল না । কর্ম্মচারী অপরোহণে সেই স্থানে গতি মাত্র সময়ের মধ্যেই গিয়া উপস্থিত হইলেন, খানমহম্মদ ও তাঁহারই সহিত গ্রামে প্রত্যাগমন করিল সে কর্ম্মচারীকে আপনার বাড়ীতে লইয়া গিয়া বসিবার আসন প্রদান করিল, কর্ম্মচারী সেই স্থানে উপবেশন করিলেন ।

ইহার পূর্ব্ব কর্ম্মচারী আরও কয়েকবার সেই গ্রামে গমন করিয়াছিলেন, সুতরাং ঐ গ্রামের অবস্থা তিনি কিয়ৎ পরিমাণে অবগতও ছিলেন । ঐ গ্রামে দুই চারি ঘর দরিদ্র হিন্দুর বাসস্থান ছিল, তৎব্যতীত সমস্তই মুসলমান । প্রকৃত পক্ষে বলিতে গেলে ঐ গ্রামকে একেবারে মুসলমানের গ্রাম বলা

## প্রথম পরিচ্ছেদ

যাইতে পারে। প্রায় পাঁচ শত বর মুসলমান ঐ গ্রামে বাস করিত। গ্রামের জমিদারও মুসলমান। তিনিই গ্রামের মধ্যে বড় লোক ছিলেন। অধিকাংশ প্রজাই ঐ জমিদারের জমিতে চাষ আবাদ করিয়া আপনার জীবিকা নির্বাহ করিত। উছাদিগের মধ্যে যাহারা একটু লেখা পড়া শিখিয়াছিল তাহাদিগের আর চাষ আবাদ ভাল লাগিত না, তাহারা স্থানান্তরে চাকরি করিয়া আপনার উদরানের সংস্থান ও পরিবার প্রতিপালন করিত। উছাদিগের মধ্যে ভাল রূপ লেখা পড়া কেহই জানিত না, অতি সামান্য রূপ লেখা পড়া শিখিলে ঐ শ্রেণী লোকের যে রূপ অবস্থা প্রায়ই ঘটিয়া থাকে, উছাদিগের অবস্থাও তাহাই হইয়াছিল। কিরূপে অপর লোককে প্রভাবিত করিবে, কিরূপে অপর জমি নিজের বলিয়া দেখান করিবে, কিরূপে সামান্য কারণে পরস্পরের মধ্যে বিবাদ বাধাইয়া দিবে, কিরূপে অপরদের মধ্যে আদালতে মকদ্দমা বাধাইয়া দিয়া নিজেকে কোন না কোন পক্ষ অবলম্বন পূর্বক মকদ্দমার যোগাড় করা উপলক্ষে কিছু কিছু উপার্জন করিবে, এইরূপ নানা বিষয় লইয়া তাহারা সময় অতিবাহিত করিত। কিন্তু সুখের বিষয় এই যে, ঐ রূপ অল্প শিক্ষিত লোকের অধিকাংশই প্রায় বার মাস বাড়ীতে থাকিত না, ভিন্ন ভিন্ন স্থানেই থাকিত, তবে সময় সময় দুই এক মাস বাড়ীতে থাকিয়া গ্রামের অবস্থা অতিশয় শোচনীয়

করিয়া তুলিত। গ্রামের অশিক্ষিত লোক উছাদিগের কথার উপর অনেকটা বিশ্বাস করিয়া নিজের সর্বনাশ নাধনে প্রবৃত্ত হইত ও কমে ঋণ জালে জড়িত হইয়া পড়িত।

ঐ গ্রামের পূর্ব জমিদার অতিশয় বহু-দর্শী, প্রবীণ লোক ছিলেন, তিনি সকলের সহিত মিলিত হইয়া ও সকলকে হাতে রাখিয়া চলিতেন, ও সদা সর্বদা বিনা কষ্টে নিজের কার্য উদ্ধার করিয়া লইতেন।

বর্তমান জমিদার আবুল ফজল তাঁহারই পুত্র, তিনি বাল্য কাল হইতে কলিকাতায় থাকিয়া লেখা পড়া শিখিয়াছিলেন, ও শিক্ষিত ব্যক্তিদিগের সহিত সর্বদা মিশা মিশি করিতেন বলিয়া, তিনি তাঁহার পিতার স্থায় সেই সকল চাষি প্রজার সহিত উত্তম রূপে মিশিতে পারিতেন না।

তাঁহার পিতার মত হইলে তাঁহাকে কলিকাতা পরিত্যাগ করিয়া গ্রামে আসিয়া থাকিতে হয়। তিনি বড় জমিদার ছিলেন না, জমিদারীর মধ্যে কেবল তাঁহার নিজের গ্রাম খানই ছিল, সুতরাং গ্রামে থাকিয়া আদায় তহসিলের দিকে দৃষ্টি না রাখিলে কোন রূপেই চলিত না বলিয়াই তাঁহার পিতার মতুর পর হইতেই তাঁহাকে সদাসর্বদা নিজ বাড়ীতেই অবস্থিতি করিতে হইত।

গ্রামে যে সকল চাষি প্রজার বাস ছিল, তাহাদিগের মধ্যে অনেকের লোকদেখান চাষ আবাদ ছিল, কিন্তু তাহাদিগের প্রধান

ব্যবসা ছিল ডাকাইতি করা। আবুলফজলের পিতা তাহা জানিতেন, কিন্তু তিনি কখন তাহাদিগকে ধরাইয়া দিবার কোন রূপ চেষ্টা করেন নাই।

আবুলফজল তাঁহার জমিদারীর ভার গ্রহণ করিয়া বাড়ীতে অবস্থিতি করিবার কালীন এই সমস্ত বিষয় অবগত হইতে পারেন। সেই সময় একটা ডাকাইতির অনুসন্ধান, পুলিশ কর্মচারিগণ সেই গ্রামে উপস্থিত হইয়া, তাঁহারই বাড়ীতে আশ্রয় গ্রহণ করেন। তিনিও পুলিশ কর্মচারিগণকে বিশেষ রূপে সাহায্য করিয়া, ঐ গ্রামের ডাকাইতিগণকে বাঁচাইবার পরিবর্তে অনেককে ধরাইয়া দেন, ও সেই ডাকাইতি মকদ্দামায় তাহাদিগের সকলেরই দীর্ঘকালের জন্য জেল হইয়া যায়।

খানমহম্মদের দুইটা ভ্রাতাও ঐ ডাকাইতি মকদ্দামায় ধৃত হইয়া কারারুদ্ধ হয়। সেই সময় হইতে গ্রামের অধিকাংশ মুসলমান-প্রজাই সেই জমিদারের বিপক্ষাচরণ করিতে প্ররম্ব হয় ও তাঁহাকে নানা রূপে কষ্ট দিতে আরম্ভ করে। সহজে কেহ খাজনা দেয় না। খাজনা আদায় করিতে হইলেই নালিস করিতে হয়। অনেকে জমি বেদখল করিয়া লইবার চেষ্টা করে, তাহার জন্তও আদালতের আশ্রয় গ্রহণ করিতে হয়। সেই অল্পশিক্ষিত ব্যক্তিগণের মধ্যেও কেহ কেহ ঐ সকল প্রজার পক্ষ অবলম্বন করিয়া সেই জমিদারের নামে নানারূপ মিথ্যা ফৌজদারি মকদ্দমা উপস্থিত

করে। ইহার কোন কোন মকদ্দামায় তিনি জয়লাভ করেন ও কোন কোন মকদ্দামায় তিনি পরাজিত হন। এইরূপ প্রজাগণকে লইয়া নানারূপ অশান্তির সহিত তিনি দিন যাপন করিতে থাকেন।

—:~:—

## দ্বিতীয় পরিচ্ছেদ

কর্মচারী সেই স্থানে উপবেশন করিবার পর, ক্রমে ক্রমে সেই পাড়ার অনেকে আসিয়া সেই স্থানে উপবেশন করিল। ইহারা যে অনুসন্ধানকারী পুলিশকে সাহায্য করিবার নিমিত্ত সেই স্থানে আগমন করিল তাহা নহে, নিজের নিজের অভীষ্ট সিদ্ধির মানসে সেই স্থানে উপস্থিত হইল, এই ব্যক্তিগণের সহিত প্রায়ই সেই জমিদারের সং-ব্যবহার ছিল না। ইহাদিগের অনেকের নামেই জমিদারকে নাকোপাজনার নালিস করিয়া, তাহাদিগের বিষয় প্রভৃতি বিক্রয় করিয়া লইতে হইয়াছে। কাহার নিকট হইতে বা চাষের জমি ছাড়াইয়া লইতে হইয়াছে।

ইহারা জমিদারকে কোনরূপে বিপদগ্রস্ত করিবার মানসেই সেই স্থানে আগমন করিয়াছে, আবশ্যক হইলে জমিদারের বিপক্ষে কোন কথা বলিতেও পরাম্ভু নহে।

কর্মচারী যে পাড়ায় অনুসন্ধানের নিমিত্ত আগমন করিয়াছিলেন, সেই পাড়ায় জমিদারের বাসস্থান ছিল না, তাঁহার বাসস্থান

গ্রামের অপর প্রান্তে, সূতরাং প্রথমে তিনি কিছুমাত্র অবগত হইতে পারেন নাই যে, তাঁহার বিপক্ষে এক ভয়ানক গুরুতর অভিযোগ উপস্থিত হইয়াছে, ও তাহারই অনুসন্ধানের নিমিত্ত পুলিশ কর্মচারীর সেই গ্রামে আগমন হইয়াছে।

কর্মচারী সেই স্থানে উপবেশন করিয়া সেই পাড়ার অনেক লোকের জবানবন্দী গ্রহণ করিলেন। ঐ সমস্ত লোকের নিকট হইতে তিনি যে সকল বিষয় অবগত হইলেন তাহার সংক্ষিপ্ত বিবরণ নিম্নে প্রদত্ত হইল।

তাহারা কর্মচারীকে বলিল খানমহম্মদের পিতা পীরমহম্মদ একজন অতিশয় বৃদ্ধ প্রজা, বহুদিবস হইতে ঐ স্থানে বাস করিয়া আসিতেছিল। তাহার সহিত জমিদারের ব্যবহার ভাল ছিল না, কারণ অর্থের সংস্থান করিতে না পারায়, সে নিয়মিত রূপ খাজনা দিতে পারিত না বলিয়া জমিদার তাহার উপর বিশেষ অসন্তুষ্ট থাকিতেন। জমিদারের বিশ্বাস ছিল পীরমহম্মদ ইচ্ছা করিয়া তাঁহার খাজনা বাকী রাখিয়া থাকে, ও বাকী খাজনার নালিস করিলে নানারূপ মিথ্যা কথা বলিয়া ঐ মকদ্দমার জবাব দেয়। এখনও পীরমহম্মদের নিকট তাঁহার অনেক খাজনা বাকী আছে।

ঐ সমস্ত লোকের মধ্যে কেহ কেহ কহিল, চারি পাঁচ দিবস হইবে, সন্ধ্যার কিছু পূর্বে জমিদারের একজন গোমস্তা, একজন সরকার, ও দুইজন পাইক পীরমহম্মদের বাড়ীতে আগ-

মন করিয়া কহে জমিদার বিশেষ কোন কার্য উলপক্ষে পীরমহম্মদকে ডাকিতেছেন এখনই তাহাকে তাহাদিগের সঙ্গে গমন করিতে হইবে। তাহাদিগের কথা শুনিয়া পীরমহম্মদ তাহাদিগের সহিত গমন করিতে অসম্মত হয়, কিন্তু যে সকল ব্যক্তি তাহাকে লইয়া যাইবার নিমিত্ত সেই স্থানে আগমন করিয়াছিল, তাহারা কিছুতেই উহার কথা না শুনিয়া কহে, যদি নিতান্তই সে তাহাদিগের সহিত স্বইচ্ছায় গমন না করে, তাহা হইলে তাহারা তাহাদিগের মনিবের আদেশ প্রতিপালন করিবে, অর্থাৎ তাহারা তাহাকে ধরিয়া লইয়া যাইবে। ইহাতেও পীরমহম্মদ তাহাদিগের সহিত গমন করিতে সম্মত না হওয়ায় তাহারা জোর করিয়া পীরমহম্মদকে ধরিয়া লইয়া যায়।

কেহ বলিল যখন জমিদারের লোক পীরমহম্মদকে জোর করিয়া ধরিয়া লইয়া যাইতেছিল সেই সময় রাস্তায় সে তাহা দেখিতে পায়, বৃদ্ধ লোককে ওরূপ করিয়া ধরিয়া লইয়া যাইতে দেখিয়া সে তাহাদিগকে নিষেধ করে ও পীরমহম্মদকে ছাড়িয়া দিতে কহে, কিন্তু তাহার কথায় জমিদারের কর্মচারীগণ সম্মত হয় না। অধিকন্তু তাহাকে গালি দিয়া পীরমহম্মদকে লইয়া জমিদারের বাড়ীর দিকে প্রস্থান করে। কেহ বলিল সন্ধ্যার পর সে জমিদারের বাড়ীর নিকট দিয়া গমন করিতেছিল, সেই সময় সে জমি-

দার বাড়ার ভিতর হইতে পীরমহম্মদের চিংকারধ্বনৌ শুনিতে পায়, তাহার বোধ হয় যে কোন ব্যক্তি পীরমহম্মদকে প্রহার করিতেছিল। সে সেই জমিদার বাড়ীর ভিতর গমন করিবার চেষ্টা করে কিন্তু জমিদারের লোক তাহাকে প্রবেশ করিতে দেয় না।

এইরূপ নানা লোকের নিকট হইতে নানা কথা শুনিয়া কর্মচারী কিছুই বুঝিয়া উঠিতে পারিলেন না। একবার মনে করিলেন সকলেই মিথ্যা কথা বলিয়া সেই জমিদারকে বিপদে ফেলিবার চেষ্টা করিতেছে। গাবার ভাবিলেন পাড়ার সমস্ত লোকই যে মিথ্যা কথা কহিবে তাহাই বা কি করিয়া বল যাইতে পারে? সত্য হউক মিথ্যা হউক যখন একটা কথা উঠিতেছে, ও পাড়ার সমস্ত লোক সেই কথার সমর্থন করিতেছে, অথচ চারি পাঁচ দিবস হইতে পীরমহম্মদকে দেখিতে পাওয়া যাইতেছে না, তখন ইহাদিগের কথায় অবিগ্রাস করিয়া কিরূপেই বা স্থির ভাবে বসিয়া থাকিতে পার যায়।

মনে মনে এইরূপ ভাবিয়া, যে সকল লোক জমিদারের বিপক্ষে সাক্ষ্য প্রদান করিতেছিল, ও যে খানমহম্মদ এই মকদ্দমা রুজু করিয়াছে, তাহাদিগের সকলকে সঙ্গে লইয়া কর্মচারী সেই জমিদার বাড়ীতে গিয়া উপস্থিত হইলেন।

জমিদার আবুলফজল সেই সময় তাহার বাড়ীতে উপস্থিত ছিলেন, তিনি সেই কর্ম-

চারীকে তাহার বাড়ীতে আগমন করিতে দেখিয়া তাহাকে অভ্যর্থনা পূর্বক আপন বাড়ীতে লইয়া গেলেন, ও বসিবার আসন প্রদান করিলেন। তাহার সহিত অপর যে সকল ব্যক্তি গমন করিয়াছিল, তাহাদিগকেও সেই স্থানে বসিতে কহিলেন। সকলে সেই স্থানে উপবেশন করিলে কর্মচারী আবুলফজলকে জিজ্ঞাসা করিলেন “আপনি পীরমহম্মদকে চিনেন?”

আবু। চিনি বইকি সে আমার প্রজা।

কর্ম। সে এখন কোথায়?

আবু। তাহা আমি বলিতে পারি না।

কর্ম। আজ চারি পাঁচ দিবস হইল আপনি তাহাকে আপনার বাড়ীতে ডাকাইয়া আনিয়াছিলেন?

আবু। মিথ্যা কথা, আমি তাহাকে এক বৎসরের মধ্যে আমার বাড়ীতে ডাকাইয়া আনি নাই না সেও আমার বাড়ীতে আসে নাই। সে আমার প্রজা সত্য, কিন্তু কখন সে আমার বাড়ীতে আসিয়া খাজনা দিয়া যায় না। হয় তাহার নামে ডিক্রী করিয়া তাহার নিকট হইতে খাজনা আদায় করিতে হয়, না হয় সে নিজে গিয়া খাজনা আদালতে জমা দিয়া আসে।

কর্ম। তাহার পুল ও পাড়ার এই সমস্ত লোকে বলিতেছে যে আপনি চারিজন লোক পাঠাইয়া দিয়া তাহাকে ধরিয়া আনিয়াছেন।

আবু। মিথ্যা কথা।



কর্ম। আপনার বাড়ীর ভিতরও তাহার ক্রন্দন ধ্বনি কেহ কেহ শুনিয়াছে।

আবু। সমস্তই মিথ্যা কথা।

কর্ম। সত্য মিথ্যা আমি জানিনা, যাহারা যাহারা আপনার বিপক্ষে বলিতেছে আমি তাহাদিগকে সঙ্গে করিয়া আপনার বাড়ীতে আনিয়াছি, উহারা আপনার সম্মুখেই বসিয়া আছে; ইহাদিগকে জিজ্ঞাসা করিলেই আপনি জানিতে পারিবেন যে, উহারা পীরমহম্মদকে আপনার বাড়ীতে ধরিয়া আনিতে দেখিয়াছে কিনা ও আপনার বাড়ীর ভিতর তাহার ক্রন্দন ধ্বনি শুনিয়াছে কি না?

আবু। আমার বিপক্ষে ইহারা সব বলিতে পারে। ইহারা আদালতে গিয়া আমার ও আমার কর্মচারিগণের বিপক্ষে যে কত মিথ্যা সাক্ষ্য দিয়াছে তাহার সংখ্যা নাই। এরূপ অবস্থায় ইহারা যে আপনার নিকট মিথ্যা কথা বলিয়া আমাকে বিপদগ্রস্ত করিবার চেষ্টা করিবে, তাহার আর বিচিত্র কি?

কর্ম। এতগুলি লোক যদি আপনার বিপক্ষে মিথ্যা কথা কহে তাহা হইলে আমি কি করিতে পারি?

আবু। আপনি সব করিতে পারেন, আপনি যখন অনুসন্ধান আনিয়াছেন তখন সত্য মিথ্যা আপনার নিকট কিছুই গোপন থাকিবে না, আপনি অনুসন্ধান আমার দোষ প্রাপ্ত হন তবে আমাকে উপযুক্ত রূপ দণ্ড প্রদান করুন।

আবুলফজলের এই কথা শুনিয়া কর্মচারী সেই সমস্ত লোককে কহিলেন “তোমাদিগের জমিদার তোমাদিগের সম্মুখে যাহা বলিলেন তাহা তোমরা শুনিলে। তোমাদিগের জমিদার অশিক্ষিত লোক নহেন, তিনি যে এইরূপ একটা নিতান্ত অন্যায় কার্য করিয়া বসিবেন তাহাই বা বলি কি প্রকারে?”

যে সকল ব্যক্তি, কর্মচারীর সহিত সেই স্থানে আসিয়াছিলেন তাহার মধ্যে পূর্বকথিত অর্ধশিক্ষিত একজন লোক ছিল। সে কর্মচারীর কথার উত্তরে কহিল “যে ব্যক্তি অধিক লেখা পড়া শিখে তাহাদিগের বুদ্ধির তেজ অত্যন্ত প্রখর হয়। কিরূপ উপায়ে কোন কার্য সমাপন করিলে সহজে নিষ্কৃতি লাভ করিতে পারা যায় তাহারা তাহা উত্তমরূপে বোঝেন, সুতরাং আমাদিগের জমিদার দ্বারা যে এই কার্য সম্পন্ন হইতে পারে না তাহা আমরা বলিতে পারি না।

কর্ম। ভাল, যে যে ব্যক্তি পীরমহম্মদকে ধরিয়া আনিয়াছিল তাহারা এখন এখানে আছে?

একজন প্রজা গাত্রোখান করিয়া কহিল “তাহাদিগের দুইজন এখন এখানে উপস্থিত আছে।” এই বলিয়া আবুলফজলের দুইজন কর্মচারীকে তাহারা দেখাইয়া দিল।

## তৃতীয় পরিচ্ছেদ

আবুলফজলের বাসস্থান প্রায় পঁচিশ বিঘা জমির উপর। রাস্তা হইতে তাঁহার বাড়ীতে প্রবেশ করিতে হইলে প্রথমেই খানিকটা খোলা জমি। তাহার পর দুই দিকে দুইখানি করিয়া চারি খানি ধড়ের ঘর। অতিথিঅভ্যাগতের নিমিত্ত ঐ ঘরগুলি ব্যবহৃত হইয়া থাকে। উহার একখানি হিন্দু অতিথির থাকিবার ও আর একখানি রন্ধনের নিমিত্ত ব্যবহৃত হয়, কোন মুসলমানকে ঐ দুইখানি ঘরে কখনই স্থান প্রদান করা হয় না। অপর দুই খানি ঘরের একখানি সস্ত্রান্ত্রশালী ও অপরখানি অপরাপর মুসলমানদিগের দ্বারা ব্যবহৃত হয়। তাহাদিগের রন্ধন করিবার নিমিত্ত স্বতন্ত্র ঘরের কোনরূপ প্রয়োজন হয় না। ইহাদিগের রন্ধনাদি আবুলফজলের রন্ধনশালায় তাঁহার রন্ধনের সহিত একত্রই হইয়া থাকে। এই দুই শ্রেণী ঘরের নগ্নুখে প্রায় পকাশ হস্ত পরিসর রাস্তা, ঐ ঘর শ্রেণীর পরই একদিকে তাঁহার গোয়ালবাড়ী, অপর দিকে ধাত্তাদি রাখিবার গোলাবাড়ী, তাহার পর একদিকে তাঁহার কাছারি ঘর, ও অপরদিকে প্রজাদিগের বিশ্রাম করিবার ঘর এবং কর্মচারী ও পরিচারক দিগের থাকিবার স্থান। ইহার পরেই অন্দর। অন্দরের ভিতর ৮.১০ খানি ঘর আছে, রন্ধন ও শয়ন ইত্যাদি এই সকল

ঘরেই হইয়া থাকে। এই মহলটি প্রাচীর পরিবেষ্টিত। এই সমস্ত ঘর ব্যতীত ঐ প্রাচীরের বাহিরেও একখানি রান্না ঘর আছে। কাছারি বাড়ীর পশ্চাতে বৃহৎ সানবাধান পুকুরণী। প্রাচীরের ভিতরেও একটা অপেক্ষাকৃত ছোট পুকুরণী আছে। ত্রীলোকগণ উহার জলই ব্যবহার করিয়া থাকেন। ইহার পরই ঐ বাড়ীর সংলগ্ন একটা বাগান উহা সকল প্রকার বৃক্ষ দ্বারা সমাচ্ছন্ন ও বহুদূর বিস্তীর্ণ। বিশেষ কোন কার্য ব্যতীত প্রায় কেহই সেই বাগানের ভিতর গমন করে না।

এই সমস্ত লইয়া আবুলফজলের বসত বাড়ী। অন্দর বাড়ী ব্যতীত এই ২৫ বিঘা জমীর চতুর্দিকে মনসা বৃক্ষ দ্বারা সামান্য রূপ বেড়া দেওয়া ভিন্ন ভাল রূপ বেড়া নহে। যাহার যে দিক দিয়া ইচ্ছা, মনে করিলে, সে সেই দিক দিয়া যাতায়াত করিতে পারে, কিন্তু সেই সকল স্থান দিয়া প্রায় কেহই যাতায়াত করে না, সকলেই সদরের রাস্তা দিয়া গমনাগমন করিয়া থাকে।

কর্মচারী অনুসন্ধান উপলক্ষে লোক জন সমিতিবাহারে সেই দিক দিয়া গমন করিয়াই আবুলফজলের কাছারি ঘরে গিয়া উপবেশন করিয়াছিলেন।

আবুলফজলের সকল কথা শুনিয়া কর্মচারী তাঁহাকে কহিলেন, যখন তাঁহার উপর এই ভয়ানক অভিযোগ উপস্থিত

হইয়াছে, তখন তাহার বাড়ীটী একবার উত্তমরূপে দেখিয়া লওয়া তাঁহার কর্তব্য ।

আবু । আপনি রাজ্য কর্মচারী, আপনার কর্তব্য কর্মের বিরুদ্ধাচরণ করা আমাদের ক্ষমতাতীত ও কর্তব্য নহে । আপনি আপনার ইচ্ছামত কার্য্য অনায়াসেই করিতে পারেন, কিন্তু এই কার্য্যে প্রবৃত্ত হইবার পূর্বে আমি আপনাকে একটা কথা জিজ্ঞাসা করিতে পারি কি ?

কর্ম্ম । কেন পারিবেন না, আপনার যাহা ইচ্ছা অনায়াসেই তাহা আপনি আমাকে জিজ্ঞাসা করিতে পারেন ।

আবু । আমার বাড়ীর খানাতলাসি করিয়া যদি আপনি পীরমহম্মদকে প্রাপ্ত হন বা আমি যে তাহাকে এই স্থানে কয়েদ করিয়া রাখিয়াছি, তাহার কোন রূপ নিদর্শন প্রাপ্ত হন, তাহা হইলে আমাকে নিশ্চয়ই রাজস্বারে দণ্ড গ্রহণ করিতে হইবে তাহা আমি উত্তম রূপ অবগত আছি ; কিন্তু আপনার অনুসন্ধানের পরিশেষে যদি সাব্যস্ত হয় যে আমাদের কোন রূপ অপরাধ নাই, তাহা হইলে আমার এই বিষম অবমাননার জন্ত দায়ী কে হইবে ?

কর্ম্ম । তাহার জন্ত দায়ী হইবে খানমহম্মদ, ও যে সকল ব্যক্তি আপনার বিপক্ষে সাক্ষ প্রদান করিতেছে ।

আবু । যাহা হউক সে পরের কথা, আপনি এখন আপনার ইচ্ছামত কার্য্য

করিতে পারেন । কিন্তু আমার নিবেদন এই যে, যখন আপনি আমার অক্ষর মহলে প্রবেশ করিবেন, সেই সময় আপনার প্রয়োজনীয় লোক ব্যতীত অপর কোন লোক যেন আপনার সহিত আমার অক্ষর মহলে প্রবেশ না করে ।

কর্ম্ম । কেবল খানাতলাসীর সাক্ষী, খানমহম্মদ ও পুলিশ কর্ম্মচারী ব্যতীত অপর কেহই আপনার বাড়ীর ভিতর প্রবেশ করিবে না ।

ইহা বলিয়া কর্ম্মচারী সেই পাড়ার তিন চারিজন লোককে ডাকাইয়া, গালপ্রাথন করিলেন । তাঁহাকে উঠিতে দেখিয়া সেই স্থানে যে সকল লোক উপস্থিত ছিল সকলেই উঠিল । তিনি বাহিরের স্থান ও গৃহ সকল প্রথমেই অনুসন্ধান করিতে আরম্ভ করিলেন । তাঁহার সহিত যে সকল লোক পীরমহম্মদের পাড়া হইতে আগমন করিয়াছিল তাহারাও সেই বাহির বাড়ীর ও বাগানের চারিদিকে ছড়াইয়া পড়িল ।

কর্ম্মচারী যখন গোয়াল বাড়ী ও গোলা বাড়ী দেখিতে ব্যস্ত ছিলেন, সেই সময় একজন মুসলমান, একটা মুসলমান কনষ্টেবলকে একই দূরে লইয়া গিয়া তাহাকে কি কহিল, ও তাহাকে সঙ্গে লইয়া সেই স্থান হইতে প্রস্থান করিল । কর্ম্মচারী ইহা দেখিলেন কিন্তু সেই সময় কাহাকেও কিছু

বলিলেন না। প্রায় পাঁচ মিনিটের মধ্যেই সেই কনষ্টবল সেই স্থানে প্রত্যগমন করিল ও কৰ্মচারীকে কহিল “আমি আপনাকে একটা কথা বলিতে ইচ্ছা করি আপনি একটু দূরে আসুন।”

কনষ্টবলের কথা শুনিয়া কৰ্মচারী তাহার সহিত একটু দূরে গমন করিলেন; সেই স্থানে কনষ্টবল কৰ্মচারীকে চুপে চুপে কি বলিল। কৰ্মচারী ধীর ভাবে সমস্ত কথা শুনিয়া সেই কনষ্টবলকে কহিলেন “তুমি আবুলফজকে একবার আমার নিকট ডাকিয়া আন।”

কনষ্টবল কৰ্মচারীর আদেশ পালন করিল, আবুলফজল সেই স্থানে আগমন করিলে, কৰ্মচারী তাঁহাকে জিজ্ঞাসা করিলেন “আপনার পরিবারবর্গ ও আত্মীয় স্বজনের মধ্যে কাহারও মৃত্যু হইলে আপনার তাহাদিগকে কোথায় গোর দিয়া থাকেন?”

আবু। কবর স্থানে।

কৰ্ম। কোন কবর স্থানে?

আবু। যে কবর স্থানে গ্রামের সমস্ত লোকের গোর হয়।

কৰ্ম। সে কবর স্থান কোথায়?

আবু। এই গ্রামের এক প্রান্ত ভাগে।

কৰ্ম। আমি জানি অনেক ভদ্র মুসলমানের নিজের কবর স্থান থাকে। তাঁহাদিগের পরিবারবর্গের মধ্যে কাহার বা কোন আত্মীয় স্বজনের মৃত্যু হইলে,

তাঁহারা সেই স্থানেই উহাদিগের গোর দিয়া থাকেন। এইরূপ স্থান প্রায়ই তাঁহাদিগের নিজের জমিতে, নিজের ঝাড়ীতে বা নিজের বাগানেই স্থির করিয়া রাখা হয়।

আবু। না মহাশয়, আমাদিগের সেরূপ কোন নির্দিষ্ট স্থান নাই।

কৰ্ম। আপনাদিগের বাগানে কখন কোন গোর হইয়া থাকে?

আবু। না।

কৰ্ম। আমি শুনিলাম আপনার বাগানের মধ্যে এক স্থানের জমি নতন খনন করা হইয়াছে।

আবু। আমি তাহা অবগত নহি। আমি যতদূর অবগত আছি তাহাতে বাগানের ভিতর দুই এক মাসের মধ্যে কোন স্থান খোদিত হয় নাই।

কৰ্ম। কোনরূপ রক্ষাদি লাগাইবার নিমিত্ত কোন স্থানতো প্রস্তুত করা হয় নাই?

আবু। আমি আপনাকে এইমাত্র বলিলাম, গত দুই মাসের মধ্যে আমার বাগানের ভিতর কোন কার্যই হয় নাই।

কৰ্ম। এই সমস্ত সামান্য সামান্য বিষয়ের সমস্ত কথা আপনার কর্ণগোচর না হইলেও হইতে পারে, সে যাহা হউক আপনি আপনার কৰ্মচারিগণকে ও পরিচারক দিগকে একবার একথা জিজ্ঞাসা করিয়া দেখুন দেখি, তাহারাই বা কি বলে?

কৰ্মচারীর কথা শুনিয়া আবুলফজল

তাঁহার কর্মচারী ও পরিচারকগণের মধ্যে যাহারা সেই সময় সেই স্থানে উপস্থিত ছিল, তাহাদিগের সকলকেই সেই কর্মচারীর সম্মুখে ডাকাইলেন, ও প্রত্যেককেই ঐ সম্বন্ধে জিজ্ঞাসা করিলেন, কিন্তু কেহই বলিল না যে সেই বাগানের কোন স্থানের মৃত্তিকা সম্প্রতি কোন রূপে খোদিত হইয়াছে। তখন আবুলফজল কর্মচারীকে কহিলেন “মহাশয়, বাগানের কোন স্থানে কিরূপ খোদিত হইয়াছে তাহা দেখিলেই সবিশেষ বুঝিতে পারা যাইবে, চলুন সেই স্থানে যাইয়া অগ্রে দেখা যাউক।”

আবুলফজলের কথা শুনিয়া কর্মচারী কহিলেন “আমিও মনে মনে তাহাই স্থির করিয়াছি।” এই বলিয়া তিনি সেই কনষ্টবলকে ডাকিলেন ও তাহাকে কহিলেন “যে ব্যক্তি এই সংবাদ তোমাকে প্রথমে প্রদান করিয়াছে তাহাকে একবার আমার সম্মুখে ডাকিয়া আন দেখি।” কনষ্টবল তাঁহার আদেশ প্রতিপালন করিল। কিন্তু কর্মচারী সেই সময় তাহাকে কোন কথা জিজ্ঞাসা না করিয়া সেই বাগান অভিমুখে গমন করিতে লাগিলেন। আবুলফজল ও অপরাপর যে সকল ব্যক্তি সেই সময় সেই স্থানে উপস্থিত ছিল সকলেই তাঁহার পশ্চাৎ পশ্চাৎ গমন করিতে লাগিল। সেই কনষ্টবল ও যে ব্যক্তি ঐ কনষ্টবলকে সংবাদ প্রদান করিয়াছিল, তাহারা সকলের অগ্রে

অগ্রে গমন করিতে লাগিল। ক্রমে সকলে আবুলফজলের বাড়ীর সংলগ্ন সেই বাগানে গিয়া উপস্থিত হইলেন, উহারা সকলকে সেই বাগানের এক প্রান্ত ভাগে লইয়া গেল, ও একটী নব খোদিত স্থান তাঁহাদিগের দেখাইয়া দিল।

—:০:—

## চতুর্থ পরিচ্ছেদ

ঐ ব্যক্তি ঐ স্থান সর্ক সমন্ধে দেখাইয়া দিলে কর্মচারী আবুলফজকে জিজ্ঞাসা করিলেন। “এই স্থানটী নতন খোদিত বলিয়া বোধ হইতেছে না?”

আবু। সেই রূপইতো বোধ হইতেছে।

কর্ম। এই স্থান কে খনন করিল?

আবু। তাহাতো বলিতে পারি না, দুই এক মাসের মধ্যে বাগানের ভিতর কোন স্থান খনন করিবার আমাদিগের কিছুমাত্র প্রয়োজন হয় নাই।

কর্ম। সে যাহা হউক এখন দেখা যাউক ইহার মধ্যে কি আছে।

এই বলিয়া সেই স্থানে যে সকল ব্যক্তি সেই সময় উপস্থিত ছিল তাহাদিগের মধ্যে কয়েকজনকে তিনি ঐ স্থান পুনরায় খোদিত করিয়া দেখিতে কহিলেন। আবুলফজল তাঁহার বাড়ী হইতে একখানি কোদালি আনাইয়া দিলেন। ঐ কোদালি দ্বারা ঐ স্থান বিশেষ সতর্কতার সহিত খোদিত

করিবামাত্র, প্রায় অর্ধ হস্ত মৃত্তিকার নিয়ে একটা মৃতদেহের কিয়দংশ দেখিতে পাওয়া গেল। মৃতদেহ দেখিতে পাইবার পরই কর্মচারী আরও বিশেষরূপ সতর্কতার সহিত ঐ স্থানের মৃত্তিকা স্থানান্তরিত করিতে লাগিলেন। ক্রমে মৃতদেহের সমস্ত অংশ বাহির হইয়া পড়িলে ঐ মৃতদেহটী তিনি ঐ স্থান হইতে উঠাইয়া উহার নিকটবর্তী এক স্থানে রাখিয়া দিলেন।

উহা একটা বৃদ্ধের মৃতদেহ, কিন্তু উহা দেখিয়া কিছুতেই চিনিতে পারা যায় না যে উহা কাহার, কারণ ঐ দেহটির উপর এরূপ ভাবে অস্ত্রাঘাত করা হইয়াছে, যে তাহার কোন স্থান একেবারে অক্ষত নাই, সমস্তই যেন মাংসপিণ্ড রূপে পরিগণিত হইয়াছে। বিশেষ মুখের অবস্থা আরও ভয়ানক, উহার নাক কান মুখ চোক যে কোথায় গিয়াছে তাহার কিছুমাত্র ঠিকানা নাই। এইরূপ অবস্থায় ঐ মৃতদেহ দেখিয়াও খানমহম্মদ চিৎকার করিয়া বলিয়া উঠিল “এই আমার পিতার মৃতদেহ, দেখুন মহাশয় জমিদার সাহেব আমার পিতাকে হত্যা করিয়া এই স্থানে পুঁতিয়া রাখিয়াছেন।”

কর্ম্ম । এ যে তোমার পিতার মৃতদেহ তাহা তুমি কি প্রকারে বলিতেছ ? কারণ এরূপ অবস্থায় মৃতদেহ দেখিয়া কেহই বলিতে পারে না যে, ইহা কাহার মৃতদেহ। এই মৃতদেহ যেরূপ ভাবে বিকৃত ভাব ধারণ

করিয়াছে, তাহাতে কাহার সাধ্য যে, সে উহা দেখিয়া বলিতে পারে যে উহা কাহার মৃতদেহ, এরূপ অবস্থায় তুমি কিরূপে বলিতে পার যে ইহা তোমার পিতার মৃতদেহ।

খান । যেরূপ বিকৃত অবস্থা প্রাপ্ত হইক না কেন আপনার পিতার মৃতদেহ কেনা চিনিতে পারে ? তৎব্যতীত উহার পরিধানে যে বস্ত্র দেখিতেছেন, যখন জমিদারের লোক ইহাকে ধরিয়া লইয়া যান, সেই সময় ইহার পরিধানে এই বস্ত্রই ছিল, আমি এই বস্ত্র দেখিয়া উত্তমরূপে চিনিতে পারিতেছি যে, উহা আমার পিতার বস্ত্র। সুতরাং ইহা যে আমার পিতার মৃতদেহ সে সন্দেহ আর কিছুমাত্র সন্দেহ নাই।

খানমহম্মদের কথা শুনিয়া কর্ম্মচারী সেই সময় তাহাকে অপর কোন কথা না বলিয়া মনে মনে এই ভাবিলেন, এই মৃতদেহ পীরমহম্মদের হউক বা না হউক, ইহা কাহার মৃতদেহ ? ও কিরূপেই বা এই মৃতদেহ এই স্থানে প্রোথিত হইল ? খানমহম্মদ ও তাহার পাড়ার লোক যাহা বলিতেছে তাহাই বা এরূপ অবস্থায় একেবারে অবিশ্বাস করি কি প্রকারে ? পীরমহম্মদকে পাওয়া যাই-তেছে না, আবুলফজলের লোকেরা তাহাকে ধরিয়া আনিয়াছে তাহারও যথেষ্ট প্রমাণ আছে, এদিকে তাহারই বাগানের ভিতর একটা বৃদ্ধের মৃতদেহ, কোন প্রথম অঙ্গের

শতাধিক আশ্বাতের সহিত পাওয়া যাইতেছে, কিরূপ অবস্থায় এই মৃতদেহ এই স্থানে আসিল, ও কেই বা ইহা লইয়া আসিয়া এই স্থানে প্রোথিত করিয়া রাখিল, আবুলফজল বা তাঁহার কোন লোক, তাহার কোন কথা বলিতে পারিল না। এরূপ অবস্থায় যে পর্য্যন্ত খানমহম্মদের অভিযোগের বিরুদ্ধে অপর কোনরূপ সম্ভোষ জনক প্রমাণ পাওয়া না যায় সেই পর্য্যন্ত খানমহম্মদ ও তাহার সাক্ষীগণের কথাই বিশ্বাস করিতে হইবে। মনে মনে এইরূপ ভাবিয়া কর্মচারী আবুলফজল ও তাঁহার দুইজন কর্মচারীকে গ্রেপ্তার করিলেন, এই দুইজন কর্মচারীকে ইতি পূর্বে খানমহম্মদ ও তাহার সাক্ষীগণ দেখাইয়া দিয়াছিল।

উহাদিগকে গ্রেপ্তার করিয়া কর্মচারী সেই বাগানের নিকটবর্তী স্থানে যে সকল লোকজন বাস করে তাহাদিগের নিকট অনুসন্ধান করিতে প্রবৃত্ত হইলেন। সেই স্থানের অনেক লোককে তিনি অনেক জিজ্ঞাসা করিলেন কিন্তু কেহই তাঁহাকে বিশেষ কোনরূপ সংবাদ প্রদান করিতে পারিল না। তিনি নিতান্ত নিরাশ হইয়া সেই স্থান হইতে প্রত্যাবর্তন করিবার কালীন খানমহম্মদের পাড়ার এক ব্যক্তি, সেই বাগানের নিকট বাসী দুইজন লোককে আনিয়া সেই কর্মচারীর সম্মুখে উপস্থিত করিল। উহাদিগকে জিজ্ঞাসা করিয়া

কর্মচারী জানিতে পারিলেন তিন দিবস হইল সন্ধ্যার পর তাহারা ঐ স্থান দিয়া গমন করিতেছিল, সেই সময় তাহারা দেখিতে পায় খানমহম্মদ সেই স্থানে দাঁড়াইয়া আছে, ও তাঁহার চারিজন কর্মচারী তাঁহার সন্নিকটে এক স্থানের মৃত্তিকা কোদালি দিয়া কাটিতেছে। অসময়ে সেই স্থান খনন করিতে দেখিয়া তাহাদিগের মনে সন্দেহের উদয় হয়, তাহারা ঐ স্থান খনন করিবার কারণ আবুলফজলকে জিজ্ঞাসা করায় তিনি তাহাদিগকে এই কহেন যে, কলিকাতা হইতে একটা ভাল আঁবের কলম আসিবে, তাহাই ঐ স্থানে পুতিবার জন্ত তিনি একটা স্থান প্রস্তুত করিয়া রাখিতেছেন। আবুলফজলের এই কথায় উহারা বিশ্বাস করিয়া সেই স্থান হইতে প্রস্থান করে, কিন্তু এখন তাহারা দেখিতেছে যে, আঁবের কলমের পরিবর্তে পীরমহম্মদকে সেই স্থানে প্রোথিত করা হইয়াছে।

উহাদিগের এই কথা শুনিয়া কর্মচারী আবুলফজলকে জিজ্ঞাসা করিলেন, “কি মহাশয়, ইহারা যাহা বলিতেছে তাহা কি সত্য নহে?”

আবু। না মহাশয়, ইহাদিগের সমস্ত কথাই মিথ্যা, ইহাদিগের বাসস্থান আমাদিগের পাড়ায় সত্য, কিন্তু ইহারা উভয়েই পীরমহম্মদের কুটুম্ব, ও ইহারা উহাদিগের সহিত মিলিত হইয়া আমাকে মানারূপ কষ্ট

দিয়া আসিতেছে। আমাকে বিপদে ফেলি-  
বার জন্য উহারা যে আমার বিপক্ষে এইরূপ  
মিথ্যা সাক্ষ্য প্রদান করিবে তাহার আর  
বিচিত্র কি ?

কর্ম্ম । সকলেই যদি আপনার বিপক্ষে  
মিথ্যা সাক্ষ্য প্রদান করে, তাহা হইলে ঐ  
মিথ্যা সাক্ষ্যের ফলেই আপনাকে দণ্ড গ্রহণ  
করিতে হইবে।

আবু । বিনা দোষে যদি আমাকে  
দণ্ড গ্রহণ করিতে হয়, তাহা হইলে আর  
উপায় কি ? ঈশ্বর অদৃষ্টে যাহা লিখিয়াছেন  
তাহা হইবেই হইবে, তাহার কিছুতেই খণ্ডন  
হইতে পারে না।

কর্ম্ম । সে যাহা হউক, তোমার অপর  
আর দুইজন কর্ম্মচারী, তাহাদিগের নাম  
সাক্ষীগণ করিতেছে তাহার কোথায় ?

আবু । তাহারা এখানে নাই।

কর্ম্ম । কোথায় ?

আবু । আজ আদালতে কয়েকটী বাকী  
খাজনার মকদ্দমার দিন আছে, ঐ মকদ্দমার  
জন্য তাহারা আদালতে গমন করিয়াছে।

কর্ম্ম । আদালত হইতে তাহারা কখন  
ফিরিয়া আসিবে ?

আবু । আজ যদি মকদ্দমা হইয়া  
যায়, তাহা হইলে কল্যই তাহারা এখানে  
আসিয়া উপস্থিত হইবে। আর যদি মক-  
দ্দমা না হয়, তাহা হইলে দুই এক দিবস  
বিলম্ব হইলেও হইতে পারে।

কর্ম্ম । তাহাদিগের নাম কি ?

আবু । একজনের নাম ওহায়েদ বন্দ  
আর একজনের নাম সেরু মিঞা।

কর্ম্ম । তাহাদিগের বাসস্থান কি এই  
গ্রামে ?

আবু । তাহারা এ গ্রামে বাস করে  
না। এখান হইতে প্রায় দশ ক্রোশ ব্যব-  
ধানে একখানি ক্ষুদ্র গ্রামে তাহাদিগের  
বাসস্থান। কিন্তু তাহারা কদাচিৎ গ্রামে  
গমন করিয়া থাকে, তাহারা আহা কর  
আমার বাড়ীতে ও এই স্থানেই শয়ন করিয়া  
থাকে।

আবুলফজলের কথা শুনিয়া কর্ম্মচারী  
মনে মনে ভাবিলেন, যখন এত গোলযোগ  
হইয়া পড়িয়াছে, তখন তাহাদিগকে যে  
সহজে পাওয়া যাইবে তাহা মনে হয় না।  
কিন্তু তাহাদিগকে এখন গ্রেপ্তার করিবার  
বিশেষ প্রয়োজন হইয়াছে। যদি এই  
মৃতদেহ পীরমহম্মদের হয়, তাহা হইলে  
উহাদিগ দ্বারাই যে এই সকল কার্য  
ঘটিয়াছে, তাহাতে আর কিছুমাত্র সন্দেহ  
নাই। মনে মনে এইরূপ ভাবিয়া কর্ম্মচারী  
উহাদিগকে ধরিবার নিমিত্ত নানারূপ চেষ্টা  
করিতে লাগিলেন কিন্তু কোন স্থানেই আর  
তাহাদিগকে প্রাপ্ত হইলেন না।

ঐ মৃতদেহ সম্পর্কে সেই সময় অপর  
যে সকল অনুসন্ধানের প্রয়োজন ছিল  
তাহার সমস্ত শেষ করিয়া, কর্ম্মচারী ঐ



মৃতদেহ ডাক্তারের পরীক্ষার্থে সদরে পাঠাইয়া দিলেন ।

আবুলফজল ও তাঁহার যে দুইজন কর্মচারী মৃত হইয়াছিল, তাহারা পুলিশের জিম্মায় রহিল । অপর যে দুইজনকে পাওয়া গিয়াছিল না, তাহাদিগের অনুসন্ধান চলিতে লাগিল ।

—:~:—

## পঞ্চম পরিচ্ছেদ

যে কর্মচারী এই মকদ্দামার অনুসন্ধান নিযুক্ত হইয়াছিলেন, তিনি বহু পুরাতন কর্মচারী না হইলেও, একজন অতিশয় দক্ষ কর্মচারী ছিলেন । তাঁহার নিজের হিত-হিত জ্ঞানের উপর নির্ভর করিয়া তিনি সমস্ত মকদ্দামার অনুসন্ধান করিতেন : মিথ্যাকে সত্য করিয়া, সত্যকে মিথ্যা করিয়া তিনি কখন কোন পক্ষ সমর্থন করিতেন না । অন্তায় রূপে অর্থ উপার্জনের দিকে তাঁহার একেবারেই লক্ষ্য ছিল না, এই নিমিত্ত সময় সময় তিনি তাঁহার নিম্নপদস্থ বা উচ্চপদস্থ কর্মচারীর অপ্রিয় পাত্র হইয়া উঠিতেন, কিন্তু তিনি সে দিকে কিছুমাত্র লক্ষ্য না করিয়া নিজের অভিপ্রায় মত কার্য করিতেন । যে সকল বিষয়ে তাঁহার কোনরূপ সন্দেহ উপস্থিত হইত, অপরের নিকট তাহার পরামর্শ গ্রহণ করিতে তিনি কখন কুণ্ঠিত বা লজ্জিত হইতেন না ।

কর্মচারী এই মকদ্দামার বিশেষরূপ অনুসন্ধান করিলেন, কিন্তু ইহার প্রকৃত ঘটনা কি, তাহার কিছুই স্থির করিয়া উঠিতে পারিলেন না, বা ঐ মৃতদেহ পীর-মহম্মদের কি অপর কাহার, তাহাও তিনি নির্ণয় করিতে পারিলেন না । তিনি নিজের মনকে এ বিষয়ে কোনদিকে স্থির করিতে না পারিয়া তাঁহার কাগজ পত্র লইয়া, তাঁহার উচ্চতন কর্মচারীর নিকট গমন করিলেন । তাঁহাকে মকদ্দামার সমস্ত অবস্থা কহিলেন, ডাইরি প্রভৃতি সমস্ত কাগজ পত্র যাহা তিনি সঙ্গে করিয়া লইয়া গিয়াছিলেন তাহা তিনি তাঁহাকে দেখাইলেন ও কহিলেন, “আমি এই মকদ্দামার কিছুই বুঝিয়া উঠিতে পারিতেছি না, যে অবস্থায় মৃতদেহ পাওয়া গিয়াছে, তাহা দেখিয়া কোন ব্যক্তি, উহা যে কাহার মৃতদেহ তাহা কখনই বলিতে পারে না, কিন্তু খানমহম্মদ ও তাহার সাক্ষীগণ উহা অন্যায়সেই সনাক্ত করিতেছে, এতদ্ব্যতীত উহার পরিধানে যে বস্ত্র আছে তাহাতে এমন কোন চিহ্ন নাই যে তাহা দেখিয়া ঐ বস্ত্র সনাক্ত করা যাইতে পারে, কিন্তু খানমহম্মদ ও তাহার সাক্ষীগণ ঐ বস্ত্র পীরমহম্মদের বস্ত্র বলিয়া সনাক্ত করিতেছে । এরূপ সনাক্তের উপর কিছু-তেই নির্ভর করা যাইতে পারে না, অথচ আবুলফজলের বাগানের ভিতর ঐ মৃতদেহ যে কিরূপে আসিল, তাহার কোন কথা তিনি

বলিতে পারেন না। যে সকল লোক আবুলফজলের বিপক্ষে সাক্ষ্য প্রদান করিতেছে, তাহাদিগের কাহারও সহিত আবুলফজলের সংভাব নাই, অথচ অতগুলি লোকের কথা কিরূপেই বা একেবারে অগ্রাহ করা যাইতে পারে।”

কর্মচারীর কথা শুনিয়া তাঁহার প্রধান কর্মচারী তাঁহাকে এইরূপ উপদেশ প্রদান করিলেন যে, কোন সাক্ষী কোনরূপ অতিরঞ্জিত না হয়, অথচ কোন সাক্ষীর কথাও যেন কোনরূপে গোপন করা না হয়। ঐ সমস্ত সাক্ষীর কথার উপর নির্ভর করিয়া মকদ্দমার অবস্থা যেরূপ দাঁড়ায়, সেইরূপ অবস্থাতেই বিচারার্থে ঐ মকদ্দমা প্রেরণ কর, ইহাতে বিচারক যেরূপ ভাল বিবেচনা করিবেন সেইরূপ করিবেন।

প্রধান কর্মচারীর কথা শুনিয়া কর্মচারী তাহাতেই সন্তুষ্ট হইলেন, ও যে সকল সাক্ষী প্রাপ্ত হইলেন, তাহাদিগের কথার উপর নির্ভর করিয়া তিনি ঐ মকদ্দমা বিচারার্থে প্রেরণ করিলেন। বলা বাহুল্য আবুলফজল ও তাঁহার যে দুইজন কর্মচারী ধৃত হইয়াছিলেন, তাহাদিগের উপর যে কেবল এই মকদ্দমা দায়ের হইল তাহা নহে, ওহায়েদ বক্স ও সেরুমিঞার উপর ও এই মকদ্দমা দায়ের হইল।

আবুলফজল ও তাঁহার দুইজন কর্মচারীর উপর মকদ্দমা চলিতে লাগিল, কিন্তু ওহায়েদ

বক্স ও সেরুমিঞাকে আর পাওয়া গেল না, তাহাদিগকে ধৃত করিবার নিমিত্ত পুলিশ কর্মচারিগণ বিশেষরূপ চেষ্টা করিতে লাগিলেন, কিন্তু কোন ফলই ফলিল না।

ওহায়েদ বক্স ও সেরুমিঞা আদালত হইতে প্রত্যাগমন কালীন এই সমস্ত অবস্থা জানিতে পায় ও জানিতে পারে যে তাহাদের মনিব ও অপর দুইজন কর্মচারী পুলিশ কর্তৃক ধৃত হইয়াছে, ও তাহাদিগকেও ধরিবার নিমিত্ত পুলিশ বিধিমতে চেষ্টা করিতেছে। এই সংবাদ শুনিয়া তাহারা আর মনিব বাড়ীতে প্রত্যাগমন করে না বা আপনার গ্রামেও গমন করে না। নিকটবর্তী একখানি গ্রামে তাহাদিগের কোন আশ্রয়ের বাড়ীতে তাহারা দুই চারি দিবস লুকাইয়া থাকিয়া, পুলিশ ও তাহাদিগের শত্রুপক্ষীয় লোকগণ কতদূর কি করিতেছে, তাহার সংবাদ সংগ্রহ করিতে প্ররুত হয়, পরিশেষে যখন জানিতে পারে যে তাহাদিগের মনিবকে তাঁহার কর্মচারি-দ্বয়ের সহিত হাজতে আবদ্ধ করা হইয়াছে ও বিচারার্থে তাহাদিগকে আদালতে প্রেরণ করা হইয়াছে, তখন তাহারা সেই স্থান পরিত্যাগ পূর্বক অপর আর এক স্থানে গুপ্ত ভাবে অবস্থিতি করিয়া ঐ মকদ্দমার যোগাড় করিতে প্ররুত হয়। কিন্তু যোগাড় করিয়া ঐ মকদ্দমার কিছুই করিয়া উঠিতে পারে না। মকদ্দমায় আবুলফজলের অনেক

অর্থ ব্যয় হইয়া যায় কিন্তু কিছুতেই তাহা-  
দিগের অব্যাহতি হয় না। নিয়ম বিচারালয়  
হইতে তাহাদিগের মকদ্দমা পরিশেষে  
উচ্চ আদালতে প্রেরিত হয়, সেই স্থান  
হইতে উহারা সকলেই দীর্ঘ কালের জন্ত  
কারারুদ্ধ হয়, এবং ওহায়েদ বক্স ও সেরু  
মিঞার নামে গ্রেপ্তারি ওয়ারেন্ট বাহির  
হয়।

এই সমস্ত অবগত হইয়া ওহায়েদ বক্স  
ও সেরু মিঞা বুঝিতে পারে যে তাহারা  
ধৃত হইলে কোনরূপে তাহারা নিষ্কৃতি লাভ  
করিতে পারিবে না, তাহাদিগকেও দীর্ঘ  
কালের জন্ত জেলে গমন করিতে হইবে।  
ইহা ভাবিয়া তাহারা যে স্থানে লুকায়িত  
ভাবে অবস্থান করিতেছিল সেই স্থান  
হইতে স্থানান্তরে, ক্রমে দেশান্তরে গমন  
করে। তাহাদিগের এখন প্রধান উদ্দেশ্য  
এই হইল যে, যদিকে কোনরূপে তাহাদের  
পুলিসের হস্তে ধৃত হইবার সম্ভাবনা, সেই  
দিকে তাহারা কিছুতেই গমন করিবে না।

মনে মনে এইরূপ ভাবিয়া তাহারা  
নানা স্থানে ও নানা গ্রামে ভ্রমণ করিয়া  
বেড়াইতে আরম্ভ করে। যাহাতে কোন  
লোক তাহাদিগের উপর কোনরূপে  
সন্দেহ করিতে না পারে এই ভাবিয়া তাহারা  
ফকির পরিচয়ে গ্রামে গ্রামে ভিক্ষা করিয়া  
আপন আপন জীবিকা নির্বাহ করিতে আরম্ভ  
করে। যে জেলায় তাহাদিগের বাসস্থান,

সেই জেলা পরিত্যাগ করিয়া দূরবর্তী  
জেলার মধ্যে গমন করিয়া, আজ এ গ্রামে  
কাল ও গ্রামে, এইরূপে নানা গ্রামে অবস্থিতি  
করিয়া দিন অতিবাহিত করিতে প্রবৃত্ত  
হয়।

এইরূপে নানা স্থান ভ্রমণ করিয়া  
দিন অতিবাহিত করিতে করিতে তাহারা  
ক্রমে লক্ষ্মী সহরে গিয়া উপস্থিত হইল।  
সেই স্থানে একটা ঘর ভাড়া করিয়া অবস্থিতি  
করিতে লাগিল। তাহারা ফকিরী বেশ  
ধারণ করিয়াছিল ও ভিক্ষা করিয়া দৈনিক  
অন্নের সংস্থান করিতেছিল সুতরাং তাহা-  
দিগকে দেখিয়া কাহারও মনে কোনরূপ  
সন্দেহের উদয় হয় না, তাহারা নির্ভয়ে  
সেই স্থানে অবস্থিতি করিয়া দিন অতিবাহিত  
করিতে থাকে।

—:—

## ষষ্ঠ পরিচ্ছেদ

এইরূপে দুই তিন মাস অতিবাহিত  
হইবার পর এক দিবস ভিক্ষা করিতে যখন  
তাহারা বাহির হইয়াছিল, সেই সময় তাহারা  
শুনিলে পায় ঐ স্থানের একজন ধনী  
মুসলমান সহরের সমস্ত ফকির দিগকে  
উত্তমরূপে আহার করাইবার বন্দোবস্ত  
করিতেছেন ও পর দিবস দিবা দুই প্রহরের  
সময় ফকিরগণকে পরিতোষের সহিত  
আহার করাইয়া প্রত্যেককে এক এক খানি

বস্ত্র প্রদান করিবেন । এই সংবাদ অবগত হইয়া পর দিবস সময় মত তাহারা সেই স্থানে গমন করিতে মনঃস্থ করিল ।

পর দিবস দিবা ১১টার সময় তাহারা সেই স্থানে গিয়া উপস্থিত হইল, দেখিল নানা স্থান হইতে নানা রূপ ফকিরের সেই স্থানে আমদানি হইয়াছে, সকলেই গিয়া একস্থানে উপবেশন করিতেছে, তাহারাও ক্রমে সেই স্থানে গিয়া উপবেশন করিল ।

সেই স্থানে অনেক ফকির আসিবে ও বিশেষরূপ জনতা হইবে, যাহাতে কোন রূপ গোলযোগ না হয় ও অনায়াসে কার্য সম্পন্ন হইয়া যায়, তাহার নিমিত্ত স্থানীয় পুলিশের কয়েকজন কর্মচারী সেই স্থানে আগমন করিয়াছিলেন । ওহায়েদ বক্স ও সেরু মিঞা সেই স্থানে গিয়া উপবেশন কবিলার কিয়ৎক্ষণ পরেই আর একদল আসিয়া সেই স্থানে উপস্থিত হইল । তাহাদিগের মধ্যে একজনকে দেখিয়া ওহায়েদ বক্স সেরুকে চুপে চুপে কহিল “ঐ লোকটীকে বেস ভাল করিয়া একবার দেখ দেখি ।”

সেরু । উহাকে ঠিক পীরমহম্মদের স্তায় বোধ হইতেছে । লোকে বলে এক আকৃতির দুই ব্যক্তি কখন হইতে পারে না, কিন্তু ইহার আকৃতির সহিত পীরমহম্মদের আকৃতির কিছুমাত্র প্রভেদ নাই ।

ওহা । এ পীরমহম্মদ নয় তো ?

সেরু । পীরমহম্মদ হইবে কি প্রকারে যে একবার মরিয়া গিয়াছে সে আবার বাচিয়া উঠিবে কি প্রকারে ?

ওহা । সে যে মরিয়া গিয়াছে, তাহারই বা প্রমাণ কি ? আমরা তাহাকে ধরিয়াও আনি নাই, বা মারিয়াও পুতিয়া রাখি নাই ; তবে যে ব্যক্তির মৃতদেহ আমাদিগের মনিবের বাগানের ভিতর পাওয়া গিয়াছে তাহা যে পীরমহম্মদের মৃতদেহ তাহাই বা বলি কি প্রকারে । আমার বেস বোধ হইতেছে পীরমহম্মদ মরে নাই, আর এই সেই পীরমহম্মদ আমাদিগের স্তায় ফকিরের বেশে নানাদেশ ঘুরিয়া বেড়াইতেছে । যাহা হউক ইহাকে ভাল করিয়া দেখা আবশ্যক, চল আমরাও উহার নিকটে গিয়া উপবেশন করি । উহার নিকটে গিয়া দেখিলেই আমরা উহাকে উত্তমরূপে চিনিতে পারিব ।

ওহায়েদের কথা শুনিয়া সেরু মিঞা তাহার প্রস্তাবে সন্মত হইল ও যে স্থানে ঐ ব্যক্তি বসিয়াছিল তাহার নিকট গিয়া উপবেশন করিল, উহাকে ভাল করিয়া দেখিয়া তাহাদিগের মনে আর কোনরূপ সন্দেহ রহিল না । পীরমহম্মদও তাহাদিগের দিকে নিতান্ত বিশ্মিতের স্তায় দৃষ্টি নিক্ষেপ করিতে লাগিল । পীরমহম্মদকে উত্তমরূপে চিনিতে পারিবার পর ওহায়েদ বক্স সেরু মিঞাকে চুপে চুপে কি কহিল । ওহায়েদ বক্সের কথা শুনিয়া সেরু মিঞা

সেই স্থান হইতে উঠিয়া যে স্থানে কয়েকজন পুলিশ কর্মচারী বসিয়া ছিলেন সেই স্থানে গিয়া উপস্থিত হইল, ও তাহাদিগের এক জনকে সম্বোধন করিয়া কহিল “মহাশয় আমি আপনাকে কিছু বলিতে ইচ্ছা করি।”

কর্ম। কি বলিতে চাহ ?

সেফু। আপনি কি পুলিশ কর্মচারী ?

কর্ম। হাঁ।

সেফু। আমরা ভয়ানক বিপদগ্রস্থ, সেই বিপদ হইতে এখন আপনি আমাদিগকে উদ্ধার করুন।

কর্ম। কি বিপদগ্রস্থ হইয়াছ ?

সেফু। এক ব্যক্তিকে হত্যা করা অপরাধে আমাদিগের মনিব ও তাঁহার দুইজন কর্মচারী দীর্ঘকালের জন্ত জেলে গিয়াছেন ও আমার ও অপর একজনের নামে ঐ খুনি মকদ্দমার নিমিত্ত ওয়ারেন্ট বাহির হইয়াছে। আমরা এখন ঐ খুনি মকদ্দমার ফেরারী আসামী।

কর্ম। তুমি বলিতেছ আমরা, তুমি আর কে ?

সেফু। ওহায়েদ বক্ক নামক আর এক ব্যক্তি।

কর্ম। তিনি কোথায় ?

সেফু। তিনিও এই স্থানে আছেন।

কর্ম। এখন তোমরা কি চাহ ?

তোমরা গ্রেপ্তার হইতে চাহ ?

সেফু। আমরা গ্রেপ্তার হইতে চাহি,

ও অপর আর একজনকে গ্রেপ্তার করাইতে চাহি।

কর্ম। আর কাহাকে ?

সেফু। যে ব্যক্তিকে হত্যা করিয়াছি বলিয়া আমরা অভিযুক্ত সেই ব্যক্তিকে।

কর্ম। তুমি এই বলিতে চাও যে যে ব্যক্তিকে হত্যা করা অপরাধে তোমরা অভিযুক্ত সেই ব্যক্তি হত হয় নাই, তাহাকেও তোমরা ধরাইয়া দিতে চাহ ?

সেফু। হাঁ মহাশয়।

কর্ম। ভাল কথা, চল তাহাদিগকে দেখাইয়া দেও।

এই বলিয়া কর্মচারী সেই স্থান হইতে গাল্লোখান করিয়া, সেফু মিঞার পশ্চাৎ পশ্চাৎ গমন করিলেন, যে স্থানে ওহায়েদ বক্ক ও পীরমহম্মদ বসিয়া ছিল সেই স্থানে গমন করিয়া সেফু মিঞা উভয়কেই দেখাইয়া দিয়া কহিল, ইহার নাম ওহায়েদ বক্ক ইহার নামেও হত্যা মকদ্দমার ওয়ারেন্ট আছে, ইনিও আমার ভ্রাতা একজন ফেরারী আসামী। আর ইহার নাম পীরমহম্মদ ইহাকেই হত্যা করার অভিযোগে, আমরা ফেরার হইয়াছি।

সেফু মিঞার এই কথা শুনিয়া কর্মচারী ওহায়েদ বক্ককে কয়েকটা কথা জিজ্ঞাসা করিলেন, সেফু মিঞা তাঁহাকে যাহা বলিয়াছিল, ওহায়েদ বক্কও তাঁহাকে ঠিক তাহাই কহিল। তখন তিনি পীরমহম্মদকে জিজ্ঞাসা

করিলেন, তোমার নাম কি ? পীরমহম্মদ কি তোমার নাম ?

পীর । না মহাশয় আমার নাম পীর-মহম্মদ নহে ।

কর্ম্ম । তোমার নাম কি ?

পীর । আমার নাম আহম্মদ বক্স ।

সেরু । মিথ্যা কথা ।

ওহা । ইহার নাম পীরমহম্মদ, ইহার পুত্রের নাম খানমহম্মদ, ইহার বাড়ী উজীরপুর গ্রামে, ইহার নিমিত্তই ইহার জমিদার আবুলফজল ও তাঁহার দুইজন কর্ম্মচারীর জেল হইয়াছে, ইহার নিমিত্তই আমরা এই ফকির বেশ ধারণ করিয়া ছদ্ম বেশে দেশে দেশে ভ্রমণ করিয়া কত কষ্টই প্রাপ্ত হইতেছি । যে এরূপ মিথ্যা মকদ্দমা সাজাইতে পারে, সে কি কখন সত্য কথা বলিবে, আপনি আমাদিগের সহিত উহাকে করোদ অবস্থায় আমাদিগের দেশে লইয়া চলুন তাহা হইলেই জানিতে পারিবেন যে আমরা মিথ্যা কথা কহিতেছি কি এই ব্যক্তি মিথ্যা কথা কহিতেছে ?

কর্ম্মচারী উহাদিগকে আর কোন কথা জিজ্ঞাসা না করিয়া তিন জনকেই কারাদী রূপে খানার পাঠাইয়া দিলেন । ওহায়েদ বক্স ও সেরু মিলিত হাঙ্গিতে হাঙ্গিতে প্রহরীর সমভিব্যাহারে খানায় গমন করিতে লাগিল । সেই স্থানে গিয়া তিন জনেই সেই পুলিশ কর্ম্মচারীর বিড়ীর আদেশ পর্যন্ত শাস্ত

গৃহে আবদ্ধ হইল, ও তাহাদিগের উপর দস্তুর মত পাহারা রহিল ।

নিজের কার্য সমাপন করিয়া সেই পুলিশ কর্ম্মচারী খানায় আসিয়া ওহায়েদ বক্স ও সেরু মিলিত হাঙ্গিতে আপনাদের সম্মুখে ডাকাইলেন ও তাহাদিগের জবানবন্দী লিখিয়া লইলেন । তাহার কহিল, পীর-মহম্মদের সহিত গ্রামের জমিদার আবুল ফজলের অনেক দিবস হইতে মনের গোল মাল চলিতেছিল, সে তাহার জমিদারকে নানারূপে কষ্ট দিতে কিছুমাত্র ক্রটি করে নাই । কিন্তু কোন রূপেই জমিদারকে পরাজিত করিতে পারে না, উভয়ের মধ্যে যতগুলি মামলা মকদ্দমায় হইয়াছিল তাহার প্রায় সমস্ত মকদ্দমা জমিদার জয়লাভ করেন ।

এইরূপে কিছু দিবস অতিবাহিত হইলে হঠাৎ এক দিবস পীরমহম্মদ তাহার ঘর হইতে নিরুদ্দেশ হয় কিন্তু তাহার পুত্র খানমহম্মদ খানায় গিয়া জমিদার, তাঁহার দুইজন কর্ম্মচারী এবং আমাদিগের নামে এক মিথ্যা মকদ্দমা এই মর্মে রুজু করে যে, আমরা বাকী খাজনার নিমিত্ত তাহাকে জমিদার বাড়ীতে ধরিয়া লইয়া যাই, ও তাহাকে জমিদার বাড়ীর ভিতর মারপট করিয়া মারিয়া ফেলি ও তাহার মৃতদেহ জমিদার বাড়ীর সংলগ্ন জমিদারের বাগানের ভিতর পুতিয়া

রাখি। পুলিশ ইহার অনুসন্ধান করেন অনুসন্ধানের সময় পীরমহম্মদের যত আত্মীয় ঐ মর্শ্বে সাক্ষ্য প্রদান করে। পরিশেষে জমিদার সাহেবের বাড়ীর সংলগ্ন সেই বাগানের মধ্যে একটা মৃতদেহও প্রোথিত অবস্থায় বাহির হইয়া পড়ে। ঐ মৃতদেহ এরূপ অবস্থায় প্রাপ্ত হওয়া গিয়াছিল যে উহা দেখিয়া কাহারই বলিবার উপায় ছিল না যে উহা কাহার মৃতদেহ। তথাপি খান-মহম্মদ ও তাহার সাক্ষীগণ ঐ মৃতদেহ পীর-মহম্মদের মৃতদেহ বলিয়া সনাক্ত করে। জমিদার সাহেব ও তাঁহার দুইজন কর্মচারী সেই সময় সেই স্থানে উপস্থিত ছিলেন, তাহারা পুলিশ কর্তৃক সেই সময় ধৃত হন ও বিচারে তাহারা দীর্ঘকালের নিমিত্ত কারা-রুদ্ধ হন। আমরা সেই সময় সেই গ্রামে ছিলাম না, কোন কার্যা উপলক্ষে গামাত্তরে গমন করিয়াছিলাম, সেই স্থান হইতে প্রত্য-গমন করিবার কালীন এই সমস্ত অবস্থা শুনিতে পাই, ও ভয়ে আর আমরা জমিদার বাড়ীতে গমন করি না, ও কোন রূপেই পুলিশকে ধরা দেই না। পুলিশ আমা-দিগকে ধরিতে না পারিয়া আমাদের নামে গ্রেপ্তারি ওয়ারেন্ট বাহির করিয়া দেয়, আমরাও ফকিরি বেশ অবলম্বন করিয়া এপর্যন্ত নানা স্থানে ভ্রমণ করিয়া নিতান্ত কষ্টের সহিত দিন অতিবাহিত করিয়া আসি-তেছি। মিথ্যা মকদ্দামায় আমাদের

স্ত্রী পুত্রের মায়া দূর করিতে হইয়াছে, দেশের উপর মমতা পরিত্যাগ করিতে হইয়াছে। পীরমহম্মদ নিরুদ্দেশ হইয়া যে কোথায় গিয়াছে তাহা আমরা এপর্যন্ত কিছুই স্থির করিয়া উঠিতে পারিয়াছিলাম না, সে মরিয়া গিয়াছে কি বাঁচিয়া আছে তাহাও আমরা বুঝিয়া উঠিতে পারিয়াছিলাম না। আজ হঠাৎ তাহাকে দেখিতে পাইয়া আমরা যে কিরূপ আশ্চর্যান্বিত হইয়াছি তাহা আপনাকে কি বলিব, প্রথমতঃ আমরা মনে করিয়াছিলাম আমাদের দেখিবার ভুল হইয়াছে পীরমহম্মদ মরিয়া গিয়াছে, আর যদি মরিয়াই না গিয়া থাকে তাহা হইলেই বা এই দূর দেশে আসিবে কেন? আমরা প্রাণের ভয়ে লুকাইয়া বেড়াইতেছি, সে লুকাইয়া বেড়াইবে কিসের ভয়ে, আবুল-ফজলের জেল হওয়ায় তাহার মনোবাঞ্ছা পূর্ণ হইয়াছে, এইরূপ ভাবিয়া আমরা উহার নিকটে গমন করিলাম ও ভাল করিয়া উহাকে দেখিয়া আমাদের মনের সন্দেহ মিটাইলাম। সেও আমাদের দেখিল। পাছে সে সেই স্থান হইতে প্রস্থান করে এই ভাবিয়া আমরা একজন তাহার নিকট রহি-লাম আর একজন আপনার নিকট আসিয়া আপনাকে এই সংবাদ প্রদান করিলাম, তাহার পর আপনি ইহাকেও গ্রেপ্তার করিয়া আমা-দিগের যে কি উপকার করিয়াছেন তাহা আপনি নিজেই অবগত আছেন।

## সপ্তম পরিচ্ছেদ

পুলিস কর্মচারী ওহায়েদ বক্স ও সেরু মিঞার কথা শুনিয়া পীরমহম্মদকে ডাকিলেন ও তাহাকে ঐ সকল কথা জিজ্ঞাসা করায় সে সমস্ত অস্বীকার করিল, তিনি তাহার কথার কোনরূপ পীড়াপীড়ি না করিয়া, তাহাকেও হাজতে রাখিয়া দিলেন ও সমস্ত অবস্থা বিবৃত করিয়া, যে স্থানের এই ঘটনা সেই স্থানের পুলিস কর্মচারীর নিকট পত্র লিখিলেন। পত্র পাইবামাত্র সেই স্থানের পুলিস কর্মচারী এক টেলিগ্রাফ করিলেন, ঐ টেলিগ্রাফ পাইয়া সেই পুলিস কর্মচারী জানিতে পারিলেন যে, ওহায়েদ ও সেরু মিঞা যাহা বলিয়াছে তাহা সত্য। ঐ টেলিগ্রাফে সেই স্থানের পুলিস তিনজনকেই বন্দী করিয়া সেই স্থানে পাঠাইয়া দিতে অনুরোধ করিয়াছিলেন। লক্ষ্যেয় পুলিস কর্মচারী ঐ টেলিগ্রাফের আদেশ প্রতিপালন করিলেন, চারিজন প্রহরীর জিম্মায় ঐ তিন জনকেই পাঠাইয়া দিলেন।

যে জেলার মকদ্দামা, নিয়মিত সময়ে উহার। সেই জেলার আসিয়া উপস্থিত হইল, জেলার কর্মচারী তাহাদিগকে স্থানীয় পুলিস কর্মচারীর নিকট লইয়া যাইবার আদেশ প্রদান করিলেন।

যে খানার অধীনে এই ঘটনা ঘটয়াছিল প্রহরিগণ তাহাদিগকে লইয়া সেই খানায়

উপস্থিত হইল। যে সময় তাহার। গিয়া খানায় উপস্থিত হইল, সেই সময় সেই খানার ভার প্রাপ্ত কর্মচারী সেই স্থানে উপস্থিত ছিলেন। এই কর্মচারী প্রথমেই মূল মকদ্দামার অনুসন্ধান করিয়াছিলেন, তিনি পীরমহম্মদকে দেখিয়া যে কতদূর বিস্মিত হইলেন তাহা বলা যায় না, তিনি সেই সময় আর কাহাকেও কোন কথা না বলিয়া ঐ তিনজনকে হাজতে বদ্ধ করিয়া দিয়া, যে প্রহরিগণ তাহাদিগকে আনিয়াছিল তাহাদিগকে বিদায় করিয়া দিলেন।

সময় মত কর্মচারী তাহাদিগকে লইয়া উজীরপুর গ্রামে গমন করিলেন সেই স্থানে পীরমহম্মদকে দেখিবামাত্র সকলেই চিনিতে পারিল। যে ব্যক্তি মরিয়া গিয়াছে বলিয়া সকলে বিশ্বাস করিয়াছিল, এখন তাহাকে জীবিত অবস্থায় সেই স্থানে দেখিতে পাইয়া সকলেই অতিশয় বিস্মিত হইল। কেহ কেহ পীরমহম্মদকে নানা কথা জিজ্ঞাসা করিতে লাগিল, কিন্তু পীরমহম্মদ তাহাদিগের কথার কোনরূপ উত্তর প্রদান করিল না।

খানমহম্মদ ও যে সকল ব্যক্তি সেই বাগানের মধ্যে প্রাপ্ত মৃতদেহকে পীরমহম্মদের মৃতদেহ বলিয়া সনাক্ত করিয়াছিল, ও তাহাদিগের সাক্ষ্য উপর নির্ভর করিয়া বিচারক তিন তিন জন নিরপরাধ ব্যক্তিকে জেলে পাঠাইয়া দিয়াছিলেন, তাহাদিগের মুখ দিয়া আর কোন কথা বাহির হইল না।



ওহায়েদ বক্স ও সেরু মিঞাকে দেখিয়া সকলেই চিনিতে পারিল, জমিদারের পক্ষীয় লোক জন তাহাদিগকে নানা কথা জিজ্ঞাসা করিতে লাগিল, এত দিবস পর্যন্ত তাহারা কিরূপ অবস্থায় কোথায় ছিল, কিরূপে ও কোথায় তাহারা পীরমহম্মদকে দেখিতে পার, ও কিরূপে তাহাকে তাহারা পুলিশের হস্তে অর্পণ করে, এইরূপ নানা প্রকার প্রশ্ন তাহাদিগকে জিজ্ঞাসা করিতে লাগিল, তাহারাও কর্মচারীর অনুমতি মতে তাহাদিগকে ঐ সকল কথার সংক্ষেপে উত্তর প্রদান করিতে লাগিল।

পীরমহম্মদ ধৃত হওয়ায় গ্রামের মধ্যে একটা মহা গোলোযোগ পড়িয়া গেল, গ্রামের আবাল বৃদ্ধ বনিতা সকলেই তাহাকে দেখিবার নিমিত্ত দলে দলে সেই স্থানে আগমন করিতে লাগিল।

কর্মচারী দেখিলেন গ্রামের মধ্যে যেরূপ গোলোযোগ উপস্থিত হইয়াছে, তাহাতে সেই সময় সেই স্থানে কোনরূপ অনুসন্ধান করা একেবারেই অসাধ্য। কাজেই অনন্তোপায় হইয়া কর্মচারী উহাদিগকে লইয়া আবুলফজলের বাড়ীতে গমন করিলেন, সেই স্থানে ওহায়েদ বক্স ও সেরু মিঞাকে বাহিরে রাখিয়া কেবলমাত্র পীরমহম্মদকে সঙ্গে করিয়া তিনি আবুলফজলের একখানি বাহিরের ঘরের মধ্যে গিয়া উপবেশন করিলেন। সেই ঘরের সম্মুখে দুইজন প্রহরীকে রাখিয়া

দিলেন, তাহাদের উপর এই আদেশ রহিল কোন ব্যক্তি যেন এই ঘরের ভিতর প্রবেশ না করে, বা কোন ব্যক্তি যেন এই ঘরের নিকটে না আসে।

প্রহরিগণ সেই ঘরের সম্মুখে থাকিয়া কর্মচারীর আদেশ প্রতিপালন করিতে লাগিল। যে সকল ব্যক্তি পীরমহম্মদকে দেখিবার মানসে সেই ঘরের দিকে গমন করিবার চেষ্টা করিতে লাগিল, প্রহরিগণ তাহাদিগকে সেই স্থানে যাইতে নিবৃত্ত করিতে লাগিল, ও তাহাদিগকে এইরূপে বুঝাইয়া দিতে লাগিল যে, কর্মচারী এখন তাহার জবানবন্দী গ্রহণ করিতেছেন, তাহার কার্য শেষ হইয়া গেলেই পীরমহম্মদকে আমরা বাহিরে লইয়া আসিব, সেই সময় তোমরা অনায়াসেই উহাকে দেখিতে পাইবে ও ইচ্ছা করিলে উহাকে জিজ্ঞাসাবাদ ও করিতে পারিবে। প্রহরিগণের কথায় বিশ্বাস করিয়া উহারা দূরে গিয়া উপবেশন করিতে লাগিল ও পীরমহম্মদ কখন বাহির হইয়া আসিবে তাহারই প্রতীক্ষায় সেই স্থানে বসিয়া সময় অতিবাহিত করিতে লাগিল, কেহ বা ওহায়েদ বক্স ও সেরু মিঞার নিকট গমন করিয়া তাহাদিগকে নানা কথা জিজ্ঞাসা করিতে লাগিল। সেই সময় গ্রামের ও অপর গ্রামের এত লোক আসিয়া উহাদিগকে ঘিরিয়া দাঁড়াইয়া এত কথা জিজ্ঞাসা করিতে লাগিল যে, তাহারা কাহার কথায় কি

উত্তর প্রদান করিবে তাহার কিছুই স্থির  
করিয়া উঠিতে পারিল না ।

—:~:—

## অষ্টম পরিচ্ছেদ

কর্মচারী পীরমহম্মদকে সেই ঘরের  
ভিতর লইয়া গিয়া উপবেশন করি-  
লেন ও পীরমহম্মদকেও সেই স্থানে  
উপবেশন করিতে কহিলেন । পীরমহম্মদ  
সেই স্থানে উপবেশন করিলে কর্মচারী  
তাহাকে কহিলেন, “দেখ পীরমহম্মদ,  
তোমাকে এ পর্য্যন্ত যখন জিজ্ঞাসা করিয়াছি  
তখনই তুমি বলিয়াছ তোমার নাম পীর-  
মহম্মদ নহে । কিন্তু এখন তোমার গ্রামের  
সমস্ত লোক, তোমার পুত্র, তোমার আত্মীয়  
স্বজন সকলেই তোমাকে দেখিয়া চিনিতে  
পারিয়াছে, ও তোমাকে এই অবস্থায় জীবিত  
দেখিয়া একেবারে আশ্চর্য্যান্বিত হইয়াছে,  
এখন আর তুমি মিথ্যা কথা বলিও না ।  
তোমার জন্ত তিনজন লোকের জেদ হইয়া  
গিয়াছে সত্য, কিন্তু এখন আর তাহাদিগকে  
কারাগারে থাকিতে হইবে না, দুই চারি  
দিবসের মধ্যে তাহারা অব্যাহতি পাইবে ।  
তাহাদিগের পরিবর্তে তোমাকে, তোমার পুত্র  
খানমহম্মদকে, ও তোমার আত্মীয় স্বজন  
যাহারা ঐ মকদ্দামায় সাক্ষ্য প্রদান  
করিয়াছে, তাহাদিগকেই জেলে রাখিতে  
হইবে ইহা নিশ্চয় জানিও, কিন্তু এখন যদি

তুমি সমস্ত অবস্থা আমাকে খুলিয়া বল তাহা  
হইলে আমি তাহা চিন্তিয়া দেখিতে পারি  
যে আমা দ্বারা তোমাদিগের কোনরূপ  
উপকার হইতে পারে কি না? তুমি এখনও  
আমার কথা শুন, সমস্ত অবস্থা এখনও  
আমাকে বল ।”

পীর । আপনি আমার নিকট কি  
অবগত হইতে চাহেন ।

কর্ম । আমি অবগত হইতে চাহি,  
আবুলফজলের উপর তোমার এমন কি  
মর্মান্তিক রাগ ছিল, যে তুমি তাহাকে জব্দ  
করিবার মানসে চির দিবসের নিমিত্ত দেশ-  
ত্যাগী হইয়াছিলে, আর তাহার কর্মচারিগণই  
বা তোমার নিকট এমন কি অপরাধ করিয়া-  
ছিল, যাহাদিগের নিমিত্ত এইরূপ ষড়যন্ত্র করিয়া  
তাহাদিগের দুইজনকে দীর্ঘকালের নিমিত্ত  
কারাগারে প্রেরণ করিয়াছ । এই সমস্ত  
বিষয় আমি আনুপূর্ব্বিক তোমার নিকট  
অবগত হইতে চাহি । আরও অবগত হইতে  
চাহি, কাহার পরামর্শ মত তোমরা এই কার্য্যে  
প্রবৃত্ত হইয়াছিলে, যে মৃতদেহ আবুলফজলের  
বাগানের ভিতর পাওয়া যায় সে কাহার  
মৃতদেহ, কিরূপ উপায়ে ঐ মৃতদেহ সংগ্রহ  
হয়, কিরূপ উপায়ে উহার সর্শরীয়ে ওরূপ  
ভাবে জখম করা হয়, ও কিরূপ ভাবেই বা  
উহা ঐ বাগানের ভিতর প্রোথিত করা হয় ।  
মূল কথায় এই ষড়যন্ত্রের সমস্ত কথা আমি  
আনুপূর্ব্বিক জানিতে চাহি ।

পীর । যখন আমি ধরা পড়িয়াছি তখন আর আমি কোন কথা গোপন করিব না সমস্তই আপনার নিকট প্রকাশ করিব, ইহাতে আমার অদৃষ্টে যাহা ঘটিবার ঘটক । আর ঘটিবেই বা কি ? আমার বয়স হইয়াছে সংসারের সমস্ত কার্য আমার শেষ হইয়া গিয়াছে । মৃত্যু আমার সম্মুখে আসিয়া দণ্ডায়মান হইয়াছে, এখন আর আমার কিছুতেই ভাবনা নাই, রাজদণ্ডে ভয় নাই, লোক নিন্দার দিকেও আর আমার কিছুমাত্র লক্ষ্য নাই । আমি সমস্তই এখন আপনাকে বলিতেছি, আপনি শ্রবণ করুন :—

আমি বহুকাল হইতে এই গ্রামে বাস করিতেছি, আবুলফজলের পিতামহের সময় হইতে আমার এই গ্রামে বাসস্থান । তিনি আমাদিগকে কখন কোন রূপে কষ্ট দেন নাই, সহোদর ভ্রাতার ন্যায় তিনি আমাকে ভাল বাসিতেন । তাঁহার সময় এই গ্রামে অতি সুখে আমি বাস করিয়াছিলাম । তাঁহার পরলোক গমনের পর আবুলফজলের পিতা আমাদিগের জমিদার হন । তিনি আমাকে মাগু করিয়া চলিতেন, তিনি জমিদার আর আমি তাঁহার প্রজা, সে ভাব তিনি কখনই দেখাইতেন না, অধিকন্তু আমি তাঁহার পিতার বন্ধু ছিলাম বলিয়া, আমার জিজ্ঞাসা না করিয়া তিনি কখন কোন কার্য করিতেন না । তিনি জমিদার আমি প্রজা ছিলাম

সত্য কিন্তু বিশেষ প্রয়োজন পড়িলেও কখন তিনি আমাকে তাঁহার বাড়ীতে ডাকাইয়া লইয়া যাইতেন না, নিজেই আসিয়া আমার বাড়ীতে উপস্থিত হইতেন, ও তাঁহার কার্য শেষ করিয়া চলিয়া যাইতেন । তাঁহার ব্যবহারে কেবল যে আমিই সন্তুষ্ট ছিলাম তাহা নহে, গ্রামের সমস্ত প্রজাই তাঁহার উপর বিশেষ রূপ সন্তুষ্ট ছিলেন, ও সকলেই তাঁহাকে মাগু করিয়া চলিতেন । তিনিও যে যেমন ব্যক্তি, তাহার উপর সেই রূপ ব্যবহার করিতেন । তাঁহার সময় কোন প্রজার নিকট কখন কোনরূপ খাজনা বাকি পড়িত না, বিনা তাগাদায় প্রজাগণ তাঁহাকে খাজনা দিয়া আসিত । তাঁহার মৃত্যুর পর আবুলফজল আমাদিগের জমিদার হইলেন ।

আবুলফজল বাল্যকাল হইতেই কলিকাতায় থাকিয়া ইংরাজি লেখা পড়া করিতেন, প্রজাদিগের সহিত মিসা মিসি তাঁহার বাল্যকাল হইতেই ছিল না । প্রজাগণ চাষ আবাদ করিয়াই জীবন ধারণ করিয়া থাকে, আর তিনি ইংরাজি শিক্ষায় শিক্ষিত স্মৃতরাং প্রজাগণের সহিত তাঁহার মেসা মিসি করা দূরে থাকুক, তিনি উহাদিগকে ঘৃণা করিতেন, উহাদিগের সহিত কখন একত্র আহার করিতেন না, এমন কি উহাদিগের সহিত কখন এক বিছানায় পর্য্যন্ত বসিতেন না, এইরূপ নানা কারণে প্রজাগণ ক্রমে তাঁহার উপর নিতান্ত অসন্তুষ্ট হইতে আরম্ভ হইল, ও খাজনা দেওয়া

একবারে বন্ধ করিয়া দিতে লাগিল, বিনা নালিসে প্রায় তিনি কাহার নিকট খাজনা আদায় করিতে পারিতেন না, এইরূপ নানা কারণে তিনি ও প্রজাদিগের উপর ক্রমে অসন্তুষ্ট হইয়া পড়িতে লাগিলেন।

যে সময় প্রজাদিগের সহিত তাঁহার গোলো-যোগ চলিতেছিল সেই সময় একটী ডাকা-ইতি মকদ্দামার অনুসন্ধানের নিমিত্ত থানার দারোগা এই গ্রামে আগমন করিয়া তাঁহারই বাড়ীতে আশ্রয় গ্রহণ করেন। আবুলফজল তাঁহাকে সম্পূর্ণ রূপ সাহায্য করিয়া গ্রামের কতক গুলি প্রজাকে ধরাইয়া দেন। কোথায় তিনি তাঁহার নিজের প্রজাদিগকে সহায্য করিয়া, যাহাতে তাহারা কোন রূপে বিপদে পতিত না হয় তাহা করিবেন, কিন্তু তাহার পরিবর্তে তিনি পুলিশকে সাহায্য করিয়া তাঁহার নিজের কতক গুলি প্রজাকে ধরাইয়া দেন ও যাহাতে তাহাদিগের উপর ডাকাইতি মকদ্দামা উত্তম রূপে প্রমাণ হয়, তাহার যোগাড় করিয়া দেন। তাঁহার নিমিত্তই তাঁহার অনেক গুলি প্রজা সেই সময় জেলে গমন করে। আমার দুইটী পুত্রকেও তিনি ঐ সময় ধরাইয়া দেন, ও তাহাদিগের দীর্ঘ কালের নিমিত্ত জেল হইয়া যায়।

ইহার পূর্ক হইতে আমার সহিত আবুলফজলের মিল ছিলনা, কিন্তু এই সময় হইতে উভয়ের মধ্যে কথা বার্তা পর্য্যন্ত ও বন্ধ হইয়া যায়। যাহাদিগের উপার্জনের উপর নির্ভর

করিয়া আমরা দিন পাত করিয়া আসিতে ছিলাম, তাহাদিগের জেল হওয়ার আমাদিগের বিশেষ কষ্ট হয়। আমার পূর্ক সঞ্চিত যে কিছু অর্থ ছিল, আমার পুত্রদ্বয়ের মকদ্দামায় তাহা সমস্তই ব্যয় হইয়া যায়। সেই সময় হইতে জমিদারের খাজনা স্বাকী পড়িতে আরম্ভ হয়। জমিদারও প্রত্যেক কিস্তির স্বাকী খাজনার নিমিত্ত আমার নামে নালিস করিতে আরম্ভ করেন, তিনি আর আমার নিকট খাজনা চাহিতেন না, সময় অতীত হইবা মাত্র আমার নামে নালিস করিয়া খাজনা, তাহার সুখ ও খরচার ডিক্রী করিয়া আমাকে একেবারে ফেরার করিতে আরম্ভ করেন, আমিও লোকের পরামর্শ শুনিয়া প্রত্যেক মকদ্দামায় জবাব দিতে আরম্ভ করি ও জমিদারের নামে দুই একটী দেওয়ানি ও ফৌজদারী মকদ্দামা রুজু করিয়া দি। জমিদারের পয়সা আছে, আর আমার পয়সার অভাব সূতরাং জমিদারের নিকট আমাকেই পরাস্ত হইতে হয়।

এইরূপে কিছু দিবস অতিবাহিত হইবার পর কিরূপে আবুলফজলকে বিশেষ রূপে জব্দ করিতে পারা যায় সেই সম্বন্ধে পরামর্শ করিতে আরম্ভ করিলাম। আমাদিগের পাড়ায় একটী লোক আছে, সে লেখা পড়া জানে কিন্তু প্রায়ই গ্রামে থাকে না, তাহার নিজের কার্য উপলক্ষে সে প্রায়ই সহরে থাকে ও সময় সময় বাড়ীতে আসে। সে মামলা মক-

দাঁমা খুব ভাল রূপ বুঝিয়া থাকে, কাহাকে কিরূপে জব্দ করিতে হয় তাহার উপায় সে যেমন জানে, সেরূপ আর কেহ জানে বলিয়া আমার বোধ হয় না।

সেই ব্যক্তি তাহার আবশ্যক মত বাড়ী আসিলে, আমি আমার দুঃখের কথা তাহাকে বলি, আমার কথা শুনিয়া সে কহে আবুল-ফজল যদিও তাহার জমিদার, তথাপি তাহার মত প্রজাকে এক দিবসের জন্তও তিনি খাতির করেন নাই, বা কোন দিন তাহাকে দুইটী মিষ্ট কথাও বলেন নাই। নিতান্ত অশিক্ষিত ও চাষি প্রজার সহিত তিনি যেরূপ ভাবে ব্যবহার করিয়া থাকেন, তাহার সহিত ও তিনি সেইরূপ ভাবে ব্যবহার করিতেন বলিয়া তাহারও জমিদারের উপর বিশেষ রাগ ছিল। আমার কথা শুনিয়া সেই ব্যক্তি কহিল, “এরূপ জমিদারকে ভাল রূপেই জব্দ করিয়া দেওয়া কর্তব্য।”

আমি কহিলাম কিরূপ উপায়ে তাঁহাকে ভাল রূপ শিক্ষা দেওয়া যাইতে পারে তাহার একটা উপায় আমাকে বলিয়া দেও, দেখি সেই উপায় অবলম্বন করিয়া আমি উহাকে জব্দ করিতে পারি কি না ?

আমার কথার উত্তরে সে কহিল “আচ্ছা আমি দুই এক দিবস ভাবিয়া দেখি কোন রূপ উপায় বাহির করিতে পারি কি না ?”

ইহার পর দুই তিন দিবস অতিবাহিত হইয়া গেল। এক দিবস সন্ধ্যার পর সে

আসিয়া আমার বাড়ীতে উপস্থিত হইল, আমি বাড়িতেই ছিলাম, সে আসিলে আমি খাতির করিয়া তাহাকে বসাইলাম। সেই স্থানে উপবেশন করিবার কিয়ৎক্ষণ পরে আমাকে কহিল “আমি একটা উপায় স্থির করিয়াছি, যদি আপনারা আমার উদ্ভাবিত উপায় অবলম্বন করিতে পারেন তাহা হইলে চিরদিবসের নিমিত্ত জমিদারের হাত হইতে কেবল যে আপনি বা আপনার পুত্রগণ নিষ্কৃতি লাভ করিতে পারিবেন তাহা নহে, প্রজামাত্রেরই তাঁহার হস্ত হইতে নিষ্কৃতিলাভ করিতে পারিবে কিন্তু ইহাতে গ্রামের এক ব্যক্তিকে কিছু দিবসের নিমিত্ত স্বার্থত্যাগ করিতে হইবে।”

উত্তরে আমি কহিলাম “তুমি কি উপায় স্থির করিয়াছ তাহা না শুনিলে আমি কিছুই বুঝিতে পারিতেছি না, ও কিরূপ স্বার্থত্যাগ করিতে হইবে তাহাও জানিতে পারিতেছি না, সমস্ত কথা শুনিলে তখন বুঝিতে পারিব, তোমার পরামর্শমত কার্য আমাদিগদ্বারা হইতে পারিবে কি না ?

এই সময় কর্মচারী পীরমহম্মদের কথায় বাধা দিয়া জিজ্ঞাসা করিলেন, ঐ ব্যক্তির নাম কি ? ও সে থাকে কোথায় ?

পীর। উহার নাম মনচুর আলি উহার বাসস্থান আমাদিগের পাড়ায়, এখন সে বাড়ীতে আছে কি না তাহা আমি বলিতে পারি না।

কর্ম। তাহার পর কি হইল ?

পীর । মনচুর আলি কি উপায় স্থির করিয়াছে তাহা আমাকে বলিতে कहিলাম । সেই সময় সেই স্থানে অপর আর কেহই উপস্থিত ছিল না, সে একবার এঁদিক ওঁদিক দেখিয়া মনে মনে যে উপায় স্থির করিয়াছিল তাহা আমাকে চূপে চূপে कहিল । তাহার কথা শুনিয়া আমার মনে ভয় হইল, আমি তাহার কথায় কোনরূপ উত্তর প্রদান করিতে না পারিয়া कहিলাম “তোমার এ কথার উত্তরে আমি বলিতে পারি না যে এরূপ কার্য আমাদিগদ্বারা সম্পন্ন হইতে পারিবে । আমি খানমহম্মদকে ডাকিয়া আনিতেছি তাহাকে তুমি সমস্ত অবস্থা বল, খানমহম্মদ যদি তোমার প্রস্তাবে সন্মত হয় তাহা হইলে ও কার্য হইতে পারিবে, নতুবা কেবল আমাদ্বারা এ কার্য কোনরূপেই সম্পন্ন হইবার সম্ভাবনা নাই ।” এই বলিয়া আমি খানমহম্মদকে ডাকিয়া আনিলাম ।

—:~:—

## নবম পরিচ্ছেদ

খানমহম্মদ সেই স্থানে আগমন করিলে আমি তাহাকে कहিলাম “মনচুর আলি জমিদারকে জরুর করিবার নিমিত্ত যে উপায় স্থির করিয়াছে তাহা ভাল করিয়া শুন, ও বিবেচনা করিয়া দেখ ঐ কার্য আমাদিগ দ্বারা সম্পন্ন হইতে পারে কি না ?”

খান । আপনি কি উপায় স্থির করিয়াছেন ?

মন । আমি এই স্থির করিয়াছি এক ব্যক্তি যদি দুই চারি মাসের ভ্রমণ কোনরূপে লুকাইয়া থাকিতে পারে তাহা হইলে জমিদারকে উত্তমরূপে জরুর করিতে পারা যায় ।

খান । কিরূপে জরুর করিতে পারা যায় ?

মন । যে ব্যক্তি লুকাইয়া থাকিবে সেইরূপ বয়সের একটা মৃতদেহ কবর স্থান হইতে উঠাইয়া তাহার উপর কতক গুলি অস্ত্রাঘাত করিয়া, জমিদারের বাগানে উহা পুতিয়া রাখিতে হইবে । যে লুকাইয়া থাকিবে তাহার কোন আত্মীয় খানায় গিয়া এই মর্শ্ব এজাহার দিবে যে, জমিদারের লোক বাকী খাজনার নিমিত্ত তাহাকে ধরিয়া লইয়া গিয়াছে ও সেই পর্যন্ত সে আর প্রত্যাগমন করে নাই, খুব সম্ভাবনা জমিদার তাহাকে হয় কয়েদ করিয়া রাখিয়াছে, না হয় তাহাকে মারিয়া ফেলিয়াছে । খানায় এইরূপ সংবাদ দিলে পুলিশ কর্মচারী ইহার অনুসন্ধানে আগমন করিবেন, ও ক্রমে কোনরূপে ঐ মৃতদেহ-প্রোথিত-স্থানের সংবাদ কর্মচারীর কর্ণগোচর করিতে পারিলেই, ঐ মৃতদেহ বাহির হইয়া পড়িবে । সেই মৃতদেহ তখন সেই লুকাইত ব্যক্তির মৃতদেহ বলিয়া সনাক্ত করিলে ও জমিদার ও তাঁহার কর্মচারীগণের উপর একটু সাক্ষ্য গোছাইয়া দিলেই, উহারা ফাঁসি কাঠে ঝুলিবে । তাহার পর সেই লুকাইত ব্যক্তিকে যদি পাওয়া

যায় তাহা হইলে না হয় কিছু দিবসের নিমিত্ত তাহার জেল হইবে কিন্তু জমিদারতো আর কবর হইতে উঠিয়া আসিতে পারিবে না।

মনচুর আলির কথা শুনিয়া খানমহম্মদ কহিল “তোমার প্রস্তাব খুব ভাল। কিন্তু ভাল রূপ সাক্ষী সাবুদের বন্দোবস্ত না করিয়া এরূপ কার্যে হস্তক্ষেপ করা উচিত নহে।” এই বলিয়া খানমহম্মদ তাহার কয়েকজন আত্মীয়কে সেই স্থানে ডাকিয়া আনিল। মনচুর আলি যে উপায় স্থির করিয়াছিল, তাহা সে সকলকে বলিল উহা-দিগের সকলেরই জমিদারের উপর আক্রোশ ছিল, সকলেই মনচুর আলির প্রস্তাবে সন্মত হইয়া ঐ কার্যে হস্তক্ষেপ করিবার ইচ্ছা প্রকাশ করিল। কবর স্থান হইতে মৃতদেহ উঠাইবার ভার উহারা গ্রহণ করিল, জমিদারের বাগানের ভিতর রাত্ৰিকালে ঐ মৃতদেহ পুতিয়া রাখিতেও তাহারা সন্মত হইল কিন্তু উহাদিগের মধ্যে কোন ব্যক্তি গোপনে থাকিতে স্বীকার করিল না, তখন কাজেই সে ভার আমার উপর পড়িল। আমার বয়স হইয়াছে মৃত্যুর সময় নিকটবর্তী হইয়া আসিয়াছে, সুতরাং আমি ভাবিলাম মরিবার পূর্বে একজন সাধারণের শত্রুকে নিপাত করিয়া যাওয়া কর্তব্য, এই ভাবিয়া সে ভার আমি গ্রহণ করিলাম।

জমিদারের লোকে আমাকে ধরিয়া লইয়া গিয়াছে, জমিদারের বাড়ীর ভিতর আমাকে

মারপীট করিয়াছে, জমিদার নিজে উপস্থিত থাকিয়া তাঁহার লোক জন দ্বারা আমার মৃত দেহ তাঁহার বাগানের ভিতর পুতিয়াছেন, প্রভৃতি বিষয়ের কে কোন সাক্ষ্য দিতে হইবে তাহার সমস্তই স্থির হইয়া গেল। আরও স্থির হইল, যে দিবস একটা বৃদ্ধ লোকের মৃতদেহ পাওয়া যাইবে, সেই দিবস হইতেই আমি গ্রাম পরিত্যাগ করিয়া কোন দূর দেশে গমন করিব ও সেই স্থানে ফকির বেশে ভিক্ষাবৃত্তি অবলম্বন করিয়া জীবন ধারণ করিব। এইরূপে দুই চারি বৎসর অতিবাহিত করিবার পর যদি আমি বাঁচিয়া থাকি ও যদি ইচ্ছা হয় তখন দেশে প্রত্যাগমন করিব।

এইরূপ পরামর্শ স্থির হইবার পর হইতেই কবর স্থানের উপর বিশেষ রূপ লক্ষ্য রাখা হইল, যে পর্য্যন্ত একটা বৃদ্ধের মৃতদেহ কবর স্থানে না আসিল, সেই পর্য্যন্ত আমাদিগের মঙ্গলা কার্যে পরিণত হইল না।

এইরূপে কয়েক দিবস অতিবাহিত হইবার পর এক দিবস সংবাদ পাওয়া গেল যে প্রায় আমারই গায় একটা বৃদ্ধের মৃতদেহ কবর স্থানে আনীত হইয়াছে। এই সংবাদ পাইয়া যাহারা এই কার্যে প্রবৃত্ত হইয়াছিল তাহারা সকলেই প্রস্তুত হইল। যাহারা ঐ মৃতদেহ কবর স্থানে আনিয়াছিল তাহারা তাহাদিগের ধর্ম্মের নিয়ম অনুসারে ঐ মৃতদেহ সেই কবর স্থানে প্রোথিত করিয়া প্রস্থান করিল।

রাত্রি দশটার পর ষড়যন্ত্রকারীগণের কেহ কেহ অন্ধকারের সাহায্যে সেই কবর স্থানে প্রবেশ করিয়া ঐ মৃতদেহ উঠাইয়া, তাহার উপর একরূপ ভাবে অস্ত্রাঘাত করিল যে যাহাতে ঐ মৃতদেহ কাহার, তাহা কেহ চিনিতে না পারে। কেহ কেহ অমিদারের বাগানের ভিতরে সেই অন্ধকারের মধ্যে প্রবেশ করিয়া ঐ মৃতদেহ পুতিয়া রাখিবার উপযোগী এক স্থানের মৃত্তিকা খনন করিতে লাগিল। তাহার পর ঐ স্থানে ঐ মৃতদেহ প্রোথিত হইল।

এইরূপে সমস্ত কার্য সমাপ্ত হইয়া গেলে সেই রাত্রিতেই আমি গ্রাম পরিত্যাগ করিলাম। ভাবিয়া ছিলাম আমি আর এই গ্রামে দুই চারি বৎসরের মধ্যে প্রত্যাগমন করিব না কিন্তু যাহা ভাবিয়াছিলাম ঘটনা চক্রে তাহা ঘটিল না। আমাকে পুনরায় এই স্থানে

আসিয়া শত্রু মিত্র সর্ব সমক্ষে উপস্থিত হইতে হইল।

এই বলিয়া পৌরমহম্মদ চূপ করিল। কর্মচারীও সমস্ত অবস্থা অবগত হইলেন। এই ষড়যন্ত্রে যে সমস্ত ব্যক্তি লিপ্ত ছিল তাহারা সকলেই ধৃত হইল ও বিচারে সকলকেই কিছু দিবসের জন্ত কারারুদ্ধ হইতে হইল।

আবুলফজল ও তাঁহার যে দুইজন কর্মচারী বিনাদোষে জেলে গিয়াছিলেন তাহাদিগকে জেল হইতে ছাড়িয়া দেওয়া হইল।

ওহায়েদ বক্স ও সেরু মিঞাও অব্যাহতি পাইল।

ইহার পর প্রজাদিগকে লইয়া আবুলফজলকে আর কোনরূপ কষ্ট ভোগ করিতে হয় নাই।

সমাপ্ত ।